



Aruba entre paisnan cu impuesto mas halto



Pagina 3

- **Atake violento contra musico local ta genera indignacion y preocupacion**

Pagina 2

- **MEP ta existi plan urgente y sostenibel pa crisis di planta di purificacion di awa**

Pagina 4

- **Arubiano a bira victima di accidente fatal di trafico na Corsou**

Pagina 6

Ombudsman di Corsou ta critica inaccion di gobierno tocante pobreza



Pagina 8

Delcy Rodriguez ta cambia Tribunal Supremo di Husticia y ta elimina magistradonan di Maduro-Flores



Pagina 10

Organismo di UN ta critica Suecia pa deporta mucha cu discapacidad



Pagina 7

LABOR DAY

B I N G O

\$35,915

PROGRESSIVE

Friday, May 1 | 1pm

8 Games to Play! \$7 for 4 Cards!

Progressive within 51 Calls

Progressive within 52 Calls

Progressive within 53+ Calls

\$1,500

\$1,000

\$500

Special Door Prizes | \$1,500 in Payouts!

Double your prize with **DOUBLE POWERBALL!**

*Progressive within 50 calls, amount unless hit before 5/1/26. **Except on Progressive.

BINGO Games and Prizes

Game 1	Letter X	\$100
Game 2	Large Diamonds	\$100
Game 3	Lucky 7	\$100
Game 4	Letter H	\$100
30 Minute Break / Pick 5 Winners		
Game 5	+ or Cross	\$200
Game 6	Postage Stamps	\$200
Game 7	Letter T	\$200
Game 8	Full Card	\$500

Alhambra
CASINO AND SHOPS

Open daily 10am to 3am | J.E. Irausquin Blvd #47 | 288.9000 | casinoalhambra.com

Play Responsibly. Visit www.gamblersanonymous.org if you or someone you know has a gambling problem.

Atake violento contra musico local ta genera indignacion y preocupacion

Un atake violento contra un musico local den oranan di marduga diasabra na un café na Aruba a lanta preocupacion entre e poblacion local, cu diferente relato biniendo dilanti entre loke por establece di reportahenan inicial y kico ta keda circula como un rumor.

Segun diferente relato, e incidente a tuma lugar diabierna laat bayendo marduga di diasabra ultimo na e sitio popular di bida nocturno na Oranjestad. E victima, identifica como drummer di un banda local, lo a bira victima di atake na man di varios homber. Reportahenan inicial ta sugeri cu e grupo tabata consisti di tres pa cinco individuo.

Informacion publica riba rednan social pa un medio di comunicacion local ta indica tambe cu un chauffeur afilia cu un grupo di motorcycle tabata involucra den e incidente, un incidente cu a keda describi como un atake fisico contra e musico. Mientras cu e detayenan disponible ta limita, e reportahe ta confirma cu e altercado a resulta den batimento di e victima.

Te na momento di e publicacion aki, polis no a duna un comentario detaya indicando e secuencia di evento completo. Polis a indica na otro medio local cu nan ta limita den nan capacidad pa actua tanten cu no tin un keho formal entrega. Segun declaracionnan den reportahenan local, autoridadnan no a inicia un investigacion pa motibo di ausencia di un keho oficial di e victima.

Esaki ta nifica cu, a pesar di e seriedad di e incidente y e volumen di atencion publico cu a ricibi, no por cuminsa un proceso legal formal te ora cu entrega un keho. Como resultado, e caso ta keda den un etapa preliminar, sin cargo confirma ni persona di interes pa autoridadnan conoci te awo.

Declaracion di testigo cu ta circulando online ta describi un atake repentino y coordina. Varios individuo ta bisa cu e victima tabata uno contra hopi, y cu e atake a sucede den un area mas isola di e café. E relatonan aki, mientras ta consistente den describi e presencia di varios agresor, ainda no ta confirma independientemente pa autoridadnan.



E ausencia di informacion detaya for di polis a laga hopi di e narrativa publico forma pa declaracion di testigo y post riba rednan social, cu ta varia den credibilidad.

Declaracion di esnan cercano na e incidente

Un mensahe comparti pa Amal Farhat-Kasouf, manager di e banda na cual e victima, M.H. ta pertenece, ta duna un di e narativanan mas detaya disponible actualmente.

Den su declaracion, comparti ampliamente riba rednan social, Farhat-Kasouf ta describi e incidente como un “atake enfoca” en bes di un altercado spontaneo.

Segun su relato, un grupo en gran parti afilia cu un club di motorcycle a “abruma y bati” e victima. Farhat-Kasouf a bisa cu, basa riba loke ta conoci pa esnan cercano na e situacion, e atake no tabata provoca.

Su declaracion tambe ta bisa cu tabatin tension anterior entre e victima y e presunto agresor principal, D.J. E presunto conexion aki ta bin di un mensahe manda mas cu un aña pasa na un muhe cu ta kere tabata ex-pareha di D.J. Farhat-Kasouf ta sugeri cu e interaccion aki por a conduci na un disgusto duradero.

Ta importante pa nota cu e acusacionnan no ta confirma mediante canalnan oficial y mester compronde nan como e perspectiva di un persona conecta personalmente na e victima.

E sospechoso principal y su pasado preocupante

E nomber D.J. a bin dilanti rípidamente en conexion cu

e incidente riba diferente post y comentario riba rednan social. Varios fuente y discusion publico ta haci referencia na acusacionnan den pasado tocante comportamiento violento, incluyendo disputa cu pareha romantico y otronan.

Den pasado, un video a circula presuntamente mustRANDO D.J. abusando verbalmente di su yiunan, cual tambe a keda menciona den discusionnan cuestionando su caracter. Adicionalmente, tin hende ta bisa cu actualmente e ta enfrentando proceso legal relaciona cu un presunto atake contra un ex-pareha.

Mientras tanto, ta critico pa distingui entre acusacion y resultado legal confirma. Mientras e acusacionnan aki ta contribui na e percepcion publico mas amplio di e individuo, no tur a resulta den condena of casonan formalmente conclui. Asina, e referencianan aki ta keda parti di e background contextual, pero no mester interpreta nan como hechonnan estableci relaciona cu e incidente mas recien.

Falta di claridad

Varios aspecto clave di e incidente ainda falta claridad den e discusion andando. Entre esaki, e cantidad exacto di persona involucra den e atake, e rol y nivel di participacion di cada supuesto agresor, si e atake tabata premedita of a escala di un interaccion na e sitio, y e grado di herida di e victima, cu no a keda revela formalmente.

Adicionalmente, maske varios fuente ta sugeri un conexion na un grupo di motorcycle, no tin confirmacion oficial di autoridadnan ni representantenan di e organisacion

tocante si nan ta involucra. Manera ta usual den incidentenan di perfil haltu, rednan social a hunga un rol significativo den duna forma na e narrativa. Un cantidad di acusacion circulando online ta bay mas leu cu loke por confirma actualmente.

Entre e declaracionnan comparti mas ampliamente, ta cu e atake tabata planifica di antemano, cu e sigui of monitor e victima prome cu e incidente, y cu ya a haci menasa den pasado. Mientras e acusacionnan aki ta ripiti den diferente post, nan no ta confirma independientemente.

Tambe tin e discusion mas amplio vinculando e incidente na un patronchi di comportamiento di individuonan involucra. Mientras e combersacionnan aki ta refleha preocupacion publico, hopi biaha nan ta depende riba evidencia di anecdota y mester trata nan cu cautela.

Ta igualmente importante pa reconoce cu algun contenido viral, incluyendo comentario y opinion, por amplifica cierto narrativa sin duna evidencia confiable.

Contesta na e sitio

Otro punto di discusion ta e contesta – of e percepcion di un falta di esaki – di esnan presente na e café durante e incidente.

Segun relato di testigo y e declaracion di manager di e banda, e atake a tuma lugar den un parti di e sitio cu tabata menos visible. Esaki por a contribui na limita of atrasa cualkier intervencion.

Algun relato ta sugeri cu esnan rond a duda di involucra nan mes, un detaye cu a im-

pulsa combersacionnan mas amplio tocante responsabilidad publico y seguridad den bida nocturno.

Sinembargo, sin declaracion oficial di personal di seguridad of e establecimiento mes, ta dificil pa evalua e confiabilidad di e declaracionnan aki of e circunstancianan enfrente pa esnan presente.

Reaccion publico

E incidente aki a impulsa un ola di reaccion entre comunidad local online. Hopi a expresa indignacion, exigiendo responsabilidad y mas accion contra violencia. Otronan a punta riba loke nan ta describi como un patronchi recurrente den cual acusacion di violencia ta capta atencion temporalmente, pero no ta resulta den consecuencia duradero.

E incidente tambe a pone luz riba problemanan manera violencia relacional, masculinidad toxico y e normalisacion di comportamiento agresivo.

Mientras e discusionnan aki ta bay mas leu cu e situacion specifico di e incidente den weekend, nan ta subraya e contexto social mas amplio den cual ta interpreta e evento.

Na e momento aki, hopi di loke publico por compronde di loke a sucede ta depende riba informacion parcial, relato personal y declaracion no verifica. E rol di polis y autoridatnan ta bay ta crucial pa establece un relato cla y basa riba hechos di loke a sucede. Te cu polis keda involucra y duna un declaracion, ta keda importante pa separa informacion confirma di speculacion.

E atake contra un musico local den un sitio publico ta un asunto serio cu a genera reaccion fuerte, algo comprensible. Sinembargo, mientras e investigacion cuminsa tuma forma, e distincion entre loke ta conoci y loke ta specula ta bay ta clave.

Pa awo, e caso ta para tanto como un investigacion andando y un refleho di preocupacion mas amplio dentro di comunidad, preocupacion cu ta bay mas leu cu un incidente singular y bay den cuestionamento tocante responsabilidad, seguridad y contesta publico.


Aruba entre paisnan cu impuesto mas halto: Tarifa di entrada personal ta surpasa 50% na 2025

**Aruba ta clasifica entre e paisnan cu e tarifican di impuesto riba entrada personal mas halto den 2025, segun multiple comparacionnan internacio-
nal di sistemanan di im-
puesto mundial. Mientras cu e posicion exacto di e isla ta varia dependien-
do di e metodologia usa,
varios set di dato creibel y
analisis financiero ta pone
Aruba consistentemente
den e nivel mas halto
mundialmente, y den al-
gun caso den e top 10 pais-
nan cu e tarifican di im-
puesto mas halto.**

Cifranan compila pa 2025 ta indica cu e tarifa di impuesto riba entrada personal marginal mas halto di Aruba ta surpasa 50%, cu calculacionnan generalmente ta varia di aproximadamente 52% te na 58% of 59% ora ta inclui recarga y contribucionnan adicional. E cifranan aki ta basa riba comparacionnan entre paisnan cu tipicamente ta enfoca riba e tarifa estatutario mas halto aplica na esunnan cu ta gana mas halto, enbes di e tarifa efectivo promedio paga den tur nivel di entrada.

Clasificacion internacional publica ta muestra Aruba banda di paisnan tradicionalmente conoci pa belasting halto, incluyendo Dinamarca, Finlandia, Austria, y Japon. E paisnan aki pa hopi tempo a ser asocia cu tarifican di impuesto marginal eleva cu ta ser usa pa financia servicio publico y programanan social. Aruba su presencia den e grupo aki ta notabel mirando su tamaño y su ubicacion dentro di Caribe, un region unda varios pais ta mantene tarifican di impuesto riba entrada relativamente abao of no tin impuesto riba entrada personal at all.

E variacion den e clasificacion raporta di Aruba ta debi pa gran parti na diferencianan den con ta calcula y compara e tarifican di impuesto. Algun set di dato ta depende estrictamente riba e tarifa oficial di impuesto riba entrada estatutario, cu na Aruba generalmente ta reporta na un poco mas ariba di 50%. Otro analisisnan ta incorpora elementonan adicional, surtax, contribucionnan social, of otro impuesto obligatorio, cu por aumenta e tarifa maximo efectivo cu ta ser usa den comparacionnan global



na e rango di 50% mas halto.

A pesar di e diferencianan aki den calculacion, e conclusion general for di datonan di 2025 ta keda consistente: Aruba su tarifa di impuesto marginal mas halto ta entre esunnan mas halto globalmente. Esaki ta pone e pais dentro di un grupo relativamente chikito di pais caminda e tarifican maximo ta surpasa 50%, un limite cu hopi biaha ta ser usa como un referencia den comparacionnan di impuesto internacional.

Expertonan ta adverti, sinembargo, cu e tarifican di impuesto marginal mas halto no necesariamente ta refleha e peso di impuesto general cu mayoria di residente ta experiencia. Aruba su sistema di belasting ta progresivo, kieren cu entrada ta paga belasting na tarifican creciente den diferente grupo. Esnan cu ta gana entrada mas abao y mediano ta paga significamente menos, of no ta paga, cu e tarifa mas halto, cu ta conta solamente pa entrada riba cierto limitenan. Como resultado, mientras cu e tarifa marginal mas halto ta halto pa normanan internacional, e no ta representa e tarifa promedio cu mayoria di e pagadornan di belasting ta paga.

Banda di impuesto riba ganashi, Aruba su estructura total di impuesto ta inclui impuesto indirecto y otro formanan di entrada di gobierno. Mescos cu hopi pais, e isla ta depende di un mescla di impuesto pa financia su presupuesto, incluyendo impuesto y gastonan basa riba consumo. Sinembargo ta e tarifa relativamente halto di impuesto riba entrada personal top ta loke ta pone Aruba prominentemente den ranking mundial.

Dentro di e region di Caribe, e sistema di impuesto di Aru-

puesto, aunke su escala economico y contexto regional ta diferente.

Aruba ta ser clasifica como un economia di entrada halto y ta depende hopi riba turismo como su impulsor economico primordial. Entrada di gobierno for di impuesto ta hunga un rol clave den sostene servicio publico, infraestructura y estabilidad economico. Analistanan ta señala cu paisnan cu tarifican di impuesto mas halto hopi biaha ta usa e entradanan aki pa financia servicicionan esencial, aunke e efectividad y eficiencia di gastonan publico por varia.

E presencia di Aruba den ranking mundial di impuesto halto tambe a contribui na discusionnan mas amplio tocante e relacion entre impuesto y competitividad economico. Algun economista ta argumenta cu tarifican di impuesto marginal mas halto por influencia decisionnan di inversionista of trahadornan cualifica, particularmente den un economia globalisa caminda individuo y negoshinan por muda mas facilmente. Otronan ta sostene cu e tarifican di impuesto mes- ter ser considera hunto cu factornan manera calidad di bida, infraestructura, gobernacion y acceso na servicio, cu por compensa e impacto di impuesto mas halto.

Den caso di Aruba, su modelo economico ta sigui depende grandemente di turismo, cu ta ser influencia mas door di factornan manera localidad, clima, y infraestructura di hospitalidad cu door

di tarifican di impuesto riba ganashi. Como resultado, e impacto di tarifican halto di impuesto marginal riba e economia mas amplio por ta diferente di esun cu ta ser mira den economianan mas grandi of mas diversifica.

E afirmacion cu Aruba ta entre e top 10 paisnan cu e tarifican di belasting mas halto na 2025 ta ser sosteni pa multiple fuentenan internacional, aunke e ranking exacto ta depende di con e datonan di belasting ta ser compila y interpreta. Algun dataset ta pone Aruba firmemente den e top 10, mientras cu otronan ta posicion'e un poco pafo pero toch den e nivel mundial mas halto. Den cierto comparacionnan cu ta inclui tarifican efectivo of heffingnan adicional, Aruba ta clasifica mas cerca ainda di e top di e lista.

En general, e evidencia disponibel for di 2025 ta confirma cu Aruba ta keda un di e paisnan cu impuesto mas halto na mundo ora midi esaki pa e tarifican di impuesto riba entrada personal marginal mas halto. Mientras cu diferencianan den metodologia por afecta su posicion precies den rankingnan mundial, tin un acuerdo amplio cu e isla ta pertenece na e rango mas halto di paisnan cu e tarifican di impuesto mas halto.

E datonan di 2025 ta reenfor- sa e punto di bista cu, a pesar di su tamaño relativamente chikito, Aruba ta hunga un rol notabel den discusionnan tocante economianan di impuesto halto y e balansa entre generacion di entrada y competitividad economico.

COUNTRY	PERSONAL INCOME TAX 2025 ↓
Finland	57.65%
Japan	55.95%
Denmark	55.9%
Austria	55%
Sweden	52%
Aruba	52%
Belgium	50%
Israel	50%
Slovenia	50%
Netherlands	49.5%
Portugal	48%
Norway	47.4%
Spain	47%
Iceland	46.28%
China	45%
Germany	45%

MEP ta existi plan urgente y sostenibel pa crisis di planta di purificacion di awa na Bubali

Un mocion entrega pa e fraccion di MEP durante continuacion di e reunion publico den Parlamento di Aruba cu ta toca e tema di e situacion di Aruba Waste-water Sustainable Solutions NV (AWSS) ta haci un yamado na gobierno pa presenta cu urgencia un plan integral y sostenibel a largo plaso pa e infraestructura di purificacion di awa di e isla na Bubali, subrayando e preocupacionnan creciente pa cu facilidadnan cu ta embehece, riesgonan ambiental, y retrasonan den ehecutacion di e politica.

E documento, data 28 di april 2026, ta delinea un serie di consideracionnan cu ta enfatisa e urgencia di e asunto. Central den e mocion ta e afirmacion cu e planta di purificacion di awa existente na Bubali ta anticua y no ta cumpli mas cu e exigencianan di capacidad actual of futuro di Aruba.

Di acuerdo cu e mocion, tabatin un descarga continuo di awa insuficientemente trata den lama, loke ta presenta no solamente preocupacionnan ambiental pero tambe riesgonan operacional. E parlamentarionan ta adverti cu e situacion continuo por conduci na fayonan di sistema si no ser atendi na un manera structural y na tempo.



E preocupacionnan aki ta ser empeora pa e hecho cu, for di 2017, recursonan financiero significante a ser aloca caba pa drechamento temporal y reparacionnan necesario, sin entrega un solucion duradero.

E mocion ta referi mas aleu na un plan desaroya na 2022, describi como un maneho integral y sostenibel pa mehora tratamento di awa sushi riba e isla. E plan aki a encera input di Royal HaskoningDHV, un firma internacional di consulta di ingenieria, y tabata destina pa guia mehoracionnan structural den e sistema di maneho di awa sushi di Aruba. Sinem-

bargo e documento ta señala cu ni e plan aki ni solucionnan sostenibel alternativo no a ser ehecuta te awe.

E parlamentarionan di fraccion di MEP tambe ta enfatisa e ausencia di un vision cla riba termino largo compaña pa medidanan concreto. E falta di direccion aki, nan ta argumenta, ta aumenta e riesgo di daño serio na medio ambiente, consecucionnan economico, y potencial problemanan di salud publico. E mocion ta subraya cu gobierno actual a para plannan existente sin presenta un alternativa completamente desaroya, un decision cu parlamentarion-

an ta bisa a contribui na incertidumbre y retraso continuo.

E urgencia di e asunto ta un tema cu ta ripiti den henter e mocion. Fraccion di MEP ta subraya cu e problema ta keda agudo y cu mas posponemento lo ta irresponsabel mirando e consecucionnan potencial. Nan ta argumenta cu mester tuma accion decisivo pa preveni escalacion y pa sigura cu e infraestructura di Aruba ta sigui tanto e normanan ambiental como e demandanan di poblacion.

Como contesta riba e preocupacionnan aki, e mocion ta pidi formalmente pa gobierno presenta un plan concreto, integral y sostenibel a largo plaso pa e sistema di purificacion di awa di Bubali dentro di seis siman di e adopcion di e mocion. E plan aki mester ser entrega na Parlamento y mester delinea claramente con gobierno tin pensa di atende e deficiencianan identifica.

Adicionalmente, fraccion di MEP ta stipula cu e plan proponi mester ta sea basa riba e recomendacionnan anterior haci pa Royal HaskoningDHV of duna un hustificacion bon fundamenta pa desvia for di e cuadro ey. Nan a enfatisa cu cualkier maneho alternativo mester demostra cu e ta ofrece un solucion di sostenibilidad y efectividad igual of mas grandi.

E mocion ta pidi tambe pa claridad riba aspecto clave di ehecutacion. Especificamente, ta pidi gobierno pa duna informacion detaya tocante financiamiento, fase di proyecto, liñanan di tempo pa ehecutacion, y strategianan pa maneho di riesgo. E elementonan aki ta ser mira como esencial pa garantiza transparencia y responsabilidad, y tambe pa permiti Parlamento evalua efectivamente e factibilidad di e medidanan proponi.

E tema di maneho di awa sushi ta un topico recurrente den e discurso publico di Aruba, particularmente den luz di e aumento di conscientisacion ambiental y e dependencia di e isla riba turismo. Calidad di awa ta ser considera un factor critico pa tanto preservacion ecologico como estabilidad economico, haciendo e condicion di facilidadnan di tratamento un asunto di importancia nacional.

Mientras cu e mocion mes no ta prescribi un solucion tecnico specifico, e ta enfatisa e necesidad pa un maneho coordina y cu bista pa futuro. Door di pone un deadline di seis siman, fraccion di MEP tin como meta pa accelera tumamento di decision y pa trece un urgencia mas grandi pa un proceso cu, segun e documento, a ser marca pa retraso y seguimiento incompleto.

E mocion a ser rechasa pa fraccionnan di coalicion, AVP y Futuro.

E situacion na Bubali Plas mas y mas a ser describi como critico, no solamente for di un punto di bista di infraestructura pero tambe pa loke ta riesgonan ambiental y di salud publico. E planta di tratamento di awa sushi, cu tin mas cu cinco decada bieu, a surpasa su capacidad di diseño original pa hopi tempo pa motibo di e crecimiento rapido di poblacion y expansion den turismo, poniendo un peso continuo riba su sistemanan.

Como resultado, e facilidad a lucha pa trata e volumen di awa sushi cu e ta ricibi adecuadamente, loke ta lanta preocupacion tocante e calidad di awa cu ta ser descarga y su impacto riba e ecosistemanan rond di dje. Oficial y expertonan a adverti rípitidamente cu e condicion actual di e planta ta forma un peligro potencial pa tanto medio ambiente como salud publico, enfatisando cu e asunto ta afecta henter e comunidad y ta rekeri atencion urgente.

Retrasonan continuo den implementacion di un solucion integral a aumenta e preocupacionnan cu Aruba ta core riesgo di enfrente dañonan ambiental creciente y fayonan operacional si no tuma accion decisivo pronto. Den e cuadro aki, e mocion presenta den Parlamento ta refleha un sentido di urgencia creciente, subrayando cu e futuro di Bubaliplas no ta solamente un asunto di infraestructura, pero un prueba definitivo di e compromiso di e isla cu sostenibilidad, proteccion di medio ambiente, y gobernacion responsabel.

Caribbean Speed Printers N.V.

Relaciona cu celebracion di
Dia di Labor

Ta participa cu **NO** lo tin edicion regular di **Bon Dia y Aruba Today** riba diabierna 1 di mei, 2026.

Pa e motibo aki ta haci un suplica na tur esunnan cu ta desea di publica aviso den **Bon Dia y Aruba Today** pa diasabra 2 di mei pa por favor email na: aviso@bondia.com

Gerencia

Pabien na tur Obrero!

Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion
noticia@bondia.com

Pilar Flores (hefe di redaccion)
Angenette Figueero (closer editor)
Leo Maduro
Dilma Arends
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Francis Dirks

Colaboracion

Agence France Press
Ret Karibense
Data Key

Afiliacion
Sociedad Interamericana
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

Gobierno y partnernan a introduci un “WAW Mobiel” enfoca riba movimiento y bienestar di adulto mayor

Ministerio di Deporte, den colaboracion cu IBI-SA, CEDE Aruba, Fundacion Movimento ta Bida y Lotto pa Deporte, ta lansa un proyecto piloto nobo cu ta enfoca riba aumenta actividad fisico pa adultonan mayor na Aruba. E iniciativa, cu lo cuminsa dia 4 di mei, lo dura pa un periodo inicial di dos luna y despues lo ser evalua pa determina si por sigui y expande den futuro.

Will Erasmus di IBISA a splica cu e proyecto ta representa un esfuerzo pa amplia e alcance di programan comunitario existente, cu un enfoque special riba e grupo di adulto mayor. E meta principal ta pa crea mas actividad cu impacto directo den comunidad, promoviendo un estilo di bida activo y estimulando participacion social entre e poblacion mas grandi di edad. E intencion ta pa logra un efecto positivo y duradero den bienestar di e grupo aki.

E colaboracion ta reuni diferente organisacion cu tur tin un rol specifico. IBISA ta aporta instructornan cualifica pa guia e actividadnan y garantiza participacion seguro. CEDE Aruba ta pone e busnan di WAW Mobiel disponibel pa yega na diferente bario y centro di comunidad. Fundacion Movimento ta Bida ta facilita acceso na e gruponan di adultonan mayor a door di su red di organisacionnan di adulto mayor, mientras cu Lotto pa Deporte ta contribui cu apoyo financiero pa haci e proyecto posible.

E proyecto piloto ta basa riba e exito di e programa Weganan Ariba Wiel (WAW Mobiel), cu a ser introduci mas di dos aña pasa pa trece actividadnan deportivo y recreativo directamente na bario. Originalmente enfoca riba mucha y hoben, e programa a demostra cu e ta un manera efectivo pa haci deporte y movimiento mas accesibel pa comunidad. Awor, cu e extension aki, e concepto ta



ser adapta pa satisfice e necesidadnan di adultonan mayor. Segun minister di Deporte, Gerlien Croes, e idea pa inclui adultonan mayor den e programa a nace for di dialogo cu a tuma lugar aña pasa riba con pa sigui promove actividad fisico den tur grupo di edad. E exito recien di un olimpiada pa adultonan mayor a confirma cu tin un gran interes y necesidad pa e tipo di actividad aki, locual a duna impulso pa sigui desaroya un iniciativa especificamente pa e grupo aki.

El a splica cu den e marco di e proyecto piloto, un di e busnan di WAW Mobiel lo ser dedica exclusivamente pa adultonan mayor. E unidad mobiel lo sigui un schedule pa bishita diferente club, centro di bario y otro lugarnan unda e gruponan di adulto mayor ta reuni. Ademas, grupo informal di adultonan mayor cu kier participa tambe lo por haci peticion pa e bus bishita nan, sigurando un acceso amplio y inclusivo.

Participacion lo ser coordina via IBISA. Gruponan interesa por entrega un peticion indicando nan ubicacion y disponibilidad, pa asina integra nan den e schedule di e bus. Informacion riba e programa

tambe lo ta disponibel riba e plataforma actividad.aw, facilitando comunicacion y acceso pa tur interesado.

CEDE Aruba a hunga un rol importante den fortalecimiento di programan comunitario den ultimo añanan. Daniel Tecklenborg, director di CEDE Aruba, a splica cu desde 2022, e organisacion ta traha pa amplia actividad den bario y pa haci servicio mas cercano na pueblo. Aunke tin progreso, a ser identifica cu no tur programa ta yega na tur hende. Esaki a conduci na creacion di WAW Mobiel na 2023, cu a logra alcanza diferente comunidad, specialmente esnan di FCCA.

Tacklenborg a indica cu e programa WAW Mobiel a beneficia di partnership fuerte y apoyo financiero, incluyendo contribucion di UNHCR pa adkiri un di dos vehiculo. Cu e capacidad adicional aki, a keda posible pa amplia e programa na mas bario, aumentando e cantidad di comunidad cu ta beneficia. Actualmente, tin plan pa amplia actividad pa mucha y hoben na ocho bario den oranan di atardi, mientras cu e piloto pa adultonan mayor lo ser integra den e uso di e busnan durante oranan di mainta.

Door di combina e proyecto piloto cu e estructura existente di WAW Mobiel, organisadonan ta busca usa recursonan di forma mas eficiente. E busnan por opera na diferente ora di dia, sirbi diferente grupo di edad y maximando impacto. E modelo aki ta refleha un strategia mas

amplio pa crea programa inclusivo y flexible cu responde na necesidadnan di poblacion di Aruba.

Fundacion Movimento ta Bida su participacion ta ser considera esencial pa yega na e grupo meta. Door di su red di contacto cu organisacionnan di adulto mayor, e fundacion ta facilita acceso y participacion. Esaki ta importante pa sigura cu e actividadnan ta relevante y accesibel pa e persona cu mas tin necesidad di esaki.

E meta general di e iniciativa ta pa promove bienestar fisico, mental y social entre adultonan mayor. Mantene un estilo di bida activo ta ser considera clave pa mehora calidad di bida y salud general. E proyecto tambe ta busca fortalece comunidad door di crea oportunidadnan pa interaccion social y participacion activa.

Segun minister Croes ya caba tin interes inicial di diferente grupo pa participa, indicando cu tin demanda pa e tipo di actividad aki. E fase di evaluacion despues di e dos luna di e proyecto piloto lo ta decisivo pa determina con e programa por ser mehora y amplia.

Si e proyecto resulta exitoso, e por bira un modelo pa futuro iniciativa comunitario cu ta pone enfasis riba inclusividad y accesibilidad. Door di probecha partnership y programan existente, e iniciativa ta representa un paso importante pa pone Aruba completo den movimiento, cu un enfoque special riba adultonan mayor.



LOTTO 5

Cuminsando cu 4 florin, bo por gana e suma grandi aki

Afl. 210.000,-

Obtenibel na cualkier rebendado di Lotto.

sorteo ta awe nochi 7:45 pm

HUNGA AWO

Arubiano a bira victima di accidente fatal di trafico na Corsou

Mediante un comunicado di prensa, Cuerpo Policial di Corsou a informa tocante un accidente grave di trafico den cual un peaton a perde su bida. E victima tabata un Arubiano cu tabata biba na Corsou pa algun aña.

Segun e comunicado di polis, ayera 28 di april, pa alrededor di 1:41am, Central di Polis a ricibi informacion di un accidente grave cu a tuma lugar na Helmin Magno Wiels Boulevard na haltura di en-

trada di un centro comercial. Un vehiculo a alcanza un peaton.

Na yegada di e prome unidad policial, a haya un homber riba caya cu multiple herida na su curpa. Inmediatamente a pidi presencia di ambulance pa transporta e victima pa sala di emergencia di Centro Medico Corsou.

Lamentablemente, pa alrededor di 7:10am, Central di Polis a ricibi informacion cu e victima a fayece a conse-

cuencia di e golpinan cu el a sufri durante e accidente.

Personal di departamento di trafico ta investigando causa di e accidente.

Na Aruba, a identifica e fayecido como Marco Maduro, un Arubiano cu tabatin algun tempo ta biba na Corsou. Bon Dia Aruba ta manda sincero palabra di condolencia na famia y sernan keri, y cu Marco Maduro sosega na paz.



Parlamentario Dangui Oduber (MEP):

Minister Wever ta scoge e interes di MAS HALTO di 25% pa consumidornan paga ora haci prestamo!

Minister Wever tabata presente den Parlamento pa brinda informacion riba e Landsverordening Regeling Kredietverlening. E ley aki, cu si tur cos ta bon lo drenta na vigor dia 1 di januari 2027, tin como meta pa regula y stipula e interes maximo cu negoshinan por cobra riba prestamonan chikito y tambe negoshinan cu ta financia compra di produccionan manera wasmashin, dryer, frishider, television y te hasta iPhone.

Na e momentonan aki, e negoshinan menciona tin e libertad pa pone e interes cu nan ta desea riba un prestamo. Sinembargo, ora e ley drenta na vigor, lo tin un tasa maximo legal stipula. Den e proceso aki, e Minister di Finansa y Economia tin un rol determinante, pasobra e ta e persona encarga pa dicidi kico e tasa di interes maximo ey lo bira.

Frishider Bashi, Pueblo den Crisis!

Parlamentario Oduber a lansa un critica fuerte contra Minister Wever y e Gobierno actual, señalando e falta total di empatia cu tin pa cu e pueblo Arubano. Oduber a expresa, cu e situacion economico na



Aruba a yega na un punto critico y e falta di comprension di e mandatario ta bini como un sla duro pa e comunidad. Despues di a hiba un campaña fuerte primintiendo di mehora poder di compra y yena frishidernan bek, e realidad awe ta totalmente opuesto, Oduber a enfatisa.

“Realidad Amargo” cu nos ta biba aden:

Aumento Explosivo: Gasolin, diesel, y gas a subi sin piedad, mandando prijs di tur producto den supermercado den laira.

Bestaansminimum espantoso: Un famia di 4 persona mester di no menos cu 5551 florin pa luna djis pa cubri e necesidadnan basico. **Sobrevivencia:** Mayornan mester core tras di 2 trabao y biba den fianza continuo djis pa por wanta cabes riba awa.

“Nos a spera mas compasion y comprension pa e grupo delicado aki, pero caminda mester tin empatia, nos ta haya solamente silencio y aumento di costo.” Oduber a expresa. E pueblo no por sigui carga e peso aki mas.

A scoge e interes di mas halto posible!

Minister Wever tabata tin tres opcion riba mesa pa e interes maximo:

Boneiro: Ta usa un tasa di 22%.

Banco Central di Aruba: A conseha Minister pa scoge 22%.

Otro compania di conseho: A propone entre 18% y 20%.

E Consultant di Minister: A conseha e interes di mas halto: 25%.

Minister Wever a opta pa e 25%! Nos NO ta compronde pakico a scoge e tasa di mas halto si e por a dicidi pa un interes mas abao. Aki bo ta mira claramente cu e Minister NO ta sirbi interes di e homber chikito. Laga nan suta e pueblo cu tasa di interes halto numal!

Cu pueblo of Contra pueblo?

Durante e reunion, ora nos a indica cu nos kier un debate publico y presenta un mocion pa reduci e tasa di interes aki, Minister Wever a contesta cu e NO lo sigui e mocion toch! “Acaso e Minister ta dicidi pa Parlamento awor?” Oduber a cuestiona.

Nos lo keda pendiente pa mira si fraccionnan di AVP y Futuro ta bay para cu pueblo, of si nan ta bay contra pueblo den e inhusticia aki!

Dicon Minister Wever a nega e 18% pa scoge e 25%? Aki bo ta mira ken ta biba pa pueblo y ken ta biba pa suta pueblo numal!

Nota di redaccion: E articulo aki ta opinion di e autor y no ta representa opinion di Bon Dia Aruba.

Organismo di UN ta critica Suecia pa deporta mucha cu discapacidad

(AFP)—Un comite di derecho humano di Nacionnan Uni a bisa dialuna cu Suecia a viola derecho di bida di un mucha cu discapacidad severo door di deport'e dos biaha pa Albania.

E comite a revisa un keho referiendo na E. B., un Albanes avor di 21 aña, cu a ser diagnostica cu autismo, trastorno mental grave di desaroyo, paralisis cerebral espastico diplegico, hidrocefalia y epilepsia.

E y su famia a yega Suecia na 2012 buscando proteccion y cuido medico, pero despues di varios aña di solicitudnan pa asilo sin exito y apelacionnan, nan a ser deporta pa Albania na 2016, ora e tabatin 10 aña.

E famia a bolbe Suecia sin sta-

tus legal pa sigura tratamento di E.B., y a mira nan solicitudnan ripiti pa permiso di residencia ser rechasa prome cu nan a ser expulsata atrobe na 2019, ora e tabatin 14 aña, decision di e comite a muestra.

“Prome cu deporta un mucha cu discapacidad severo y compleho, y condicionnan medico cu ta pone su bida na riesgo, estadonan mester haci un evaluacion riguroso y individual y sigura cu tratamento y medicamento esencial realmente ta accesible y disponible den e pais di destino,” vice-presidente di e comite Wafaa Bassim a bisa den un declaracion.

Den su decision, fecha 30 di maart, e comite a bisa cu paisnan no mester “extradita, deporta, expulsa of di otro forma kita un persona for di nan teritorio ora tin base

substancial pa kere cu tin un riesgo real di daño irreparable” den e pais di destino.

“E comite a haya cu, door di no verifica cu E.B. lo tin acceso na medicamento esencial y cuido medico na Albania prome cu deport'e, autoridadnan Sueco a expon'e na un riesgo real di daño irreparable, violando su derecho di bida y su derecho pa no ser sometido na tortura of trato cruel, inhumano of degradante,” el a bisa den e declaracion.

E.B. a bisa e comite cu el a bolbe Suecia atrobe, pero ta enfrentando un orden nobo pa ser saca for di e pais.

E comite a pidi Stockholm pa revisa su solicitudnan pa asilo of permiso di residencia, y pa dun'e compensacion adecua.

E comite, un organismo di



18 experto independiente, ta monitoria implementacion di e Pacto Internacional di Derecho Civil y Politico door di su estadonan miembro y ta conduci revisionnan regular

di paisnan. E no tin poder pa obliga estadonan pa sigui su decisionnan, pero su veredictonan tin consecuencia reputacional.



(AFP)—Un startup na Hapon a presenta un peticion pa aprobacion di un medicamento nobo pa trata enfermedad renal cronico den pushi, e fundador a bisa dialuna, ofreciendo speransa pa un condicion comun cu actualmente no tin cura definitivo.

E Institute for AIM Medicine cu ta basa na Tokyo a presenta e tratamento na ministerio di agricultura diabierna, investigador Toru Miyazaki a bisa, despues cu un prueba a muestra cu e medicamento a prolonga significativamente bida di pushinan afecta.

“Mayoria pushi ta sufri di enfermedad renal cronico, y hopi ta muri di fracaso renal final of uremia,” Miyazaki, un ex-profesor di Universidad di Tokyo, a bisa AFP.

“Nos a cuminsa desaroyo di e medicamento cu meta di supera e situacion aki y alivia carga financiero y fisico tanto

pa pushinan como pa nan doñonan,” el a bisa.

Investigacion di Miyazaki a bin den enfoko cinco aña pasa ora e mester a stop desaroyo di e medicamento pa motibo di falta di financiamiento durante pandemia di Covid-19.

Despues di reportahenan den media, el a ricibi un gran cantidad di donacion for di amante y doñonan di pushi, localisando casi 300 miyon yen (\$2 miyon) entre 2021 y 2022.

Enfermedad renal cronico ta comun entre pushinan mayor, afectando te 40 porciento di pushinan cu tin mas di 10 aña, y 80 porciento di esnan cu tin mas di 15 aña, segun Cornell Feline Health Center na Merca.

Esaki ta “un enfermedad progresivo sin cura definitivo,” e centro a bisa.

Estudio di Miyazaki, publica den Veterinary Journal na februari, a sigui 11 pushi

Startup na Hapon ta busca aprobacion pa tratamiento di enfermedad renal den pushi

cu a ricibi e tratamento y 15 pushi sin tratamiento durante un aña.

Tasa acumulativo di sobrevivencia pa pushinan trata tabata entre 80 y 83 porciento,

mientras pa esnan sin tratamiento tabata 20 porciento.

Cas di Cultura presents

CurUba

Caribbean Jazz Concert

May 3rd 2026

Paseo Herencia Ballroom

Doors open 4:30pm

Entrance Afl. 50

Vernon Chatlein

Mara Leti

WATRA

Christopher Rudolfo

Serghio Jansen

Reno Steba

CAS DI CULTURA

Hilton
ARUBA CARIBBEAN
RESORT & CASINO

THE WESTERLY
AT HILTON ARUBA CARIBBEAN RESORT

FONDS PODIUM KUNSTEN
PERFORMING
ARTS FUND NL

Corsou ta gasta casi 15% di PIB riba salud, esun mas halto den Reino

(CuraçaoChronicle) - Corsou ta gasta mas riba cuidu di salud cu Aruba y Sint Maarten, cu costonan di salud alcansando casi 15 porciento di producto interno bruto, segun e ultimo informe di College financieel toezicht (Cft).

E informe ta mostra cu na 2023 gastonan di salud di Corsou a yega 14,7 porciento di PIB, significativamente mas halto cu paisnan bisindario den Reino.

Cft ta adverti cu gastonan asina halto ta pone presion riba



otro partinan di e presupuesto nacional y ta contribui na impuesto nan y prima social mas halto.

Aunke fondonan di salud

di Corsou a registra surplus chikito na 2024 y 2025 debi na miho cobro di premium, e supervisor ta bisa cu esaki a reduci e sentido di urgencia pa reformanan.

Pero Cft ta insisti cu reforma no por ser retrasa mas.

E ta bisa cu hopi estudio y analisis di salud ya a ser completa den añanan reciente. Awo, e enfoque mester cambia for di planificacion pa checuacion.

Un preocupacion grandi ta demografia.

Corsou tin un di e poblacionnan mas bieu den parti Caribe di Reino, cu mas cu 25 porciento di residentenan awo ta cu 65 aña of mas. Esaki ta nifica cu demanda pa cuidu

di salud lo sigui subiendo.

Cft ta adverti cu sin reforma structural, costonan di salud por bira insostenibel y pone presion serio riba finanzanan di gobierno. E informe ta presenta reforma di salud no solamente como un asunto medico, sino como un necesidad financiero.

Sin cambio, costo di mantene sistema di salud di Corsou por saca espacio pa inversionnan den educacion, infraestructura y desaroyo economico.

Finanzas publico di Corsou ta muestra surplus, pero supervision financiero ta adverti cu riesgonan ainda ta existi

(CuraçaoChronicle) - Corsou a cera e prome nueve luna di 2025 cu un surplus provisional di presupuesto di XCG 238 milyon, un resultado fuerte cu ta refleha estabilidad economico continuo y entradanan di gobierno mas halto cu tabata spera.

Pero a pesar di e resultado positivo, College financieel toezicht (Cft) ta adverti cu e base financiero di e isla ainda ta fragil.

Segun informe semestral di Cft, gobierno tabata spera di termina 2025 cu un surplus final di XCG 75 milyon, ekivalente na aproximadamente un porciento di producto interno bruto. Esaki lo mantene Corsou den cumplimento cu reglanan di



supervision financiero cu ta exige un presupuesto balansa.

E organismo di supervision financiero a nota cu Corsou a tuma un paso importante na 2025 door di aproba su presupuesto modifica, loke

a permiti gobierno haya acceso na financiamiento pa inversionnan di capital. Cft a describi esaki como un desaroyo positivo pasobra repetidamente el a urgi Corsou pa inverti den proyectonan economicamente productivo en

bes di concentra solamente riba gastonan operacional.

Sinembargo, e supervisor a adverti cu e panorama pa 2026 ta hopi menos comodo.

E informe ta bisa cu Cor-

sou a ser conseha pa prepara un plan di contingencia pa absorbe posible shock economico of obstaculo presupuestario.

Pero Cft a enfatisa cu balans di presupuesto so no ta suficiente.

Esaki ta nifica cu a pesar di e surplus, supervisor nan financiero ainda no por verifica completamente si e isla ta cumpli cu tur requisito legal di presupuesto.

Pa Corsou, e mensahe di e supervisor ta cla: e cifranan por muestra saludabel, pero e sistema paden tras di nan ainda mester reparacion.

Ombudsman di Corsou ta critica inaccion di gobierno tocante pobreza

(CuraçaoChronicle) - Ombudsman di Corsou, Keursly Concincion, a critica gobierno fuertemente pa falta di accion riba recomendacionnan di hopi tempo pa combati pobreza, bisando cu e isla a pasa añanan produciendo informenan y a tene conferencia sin trece resultado significativo.

Segun Concincion, hopi di e recomendacionnan cu su oficina a haci 10 aña pasa ainda ta mescos relevante awe, pasobra poco a cambia den nan implementacion. "E puntonan di mehoracion cu nos a identifica e tempo ey ta exactamente e mesun awo," el a bisa.



E Ombudsman ta bisa cu un di e problemanan mas grandi

ta falta di urgencia y continuidad den politica di gobierno.

Segun e Ombudsman, politica efectivo contra pobreza mester ser trata como un strategia nacional cu ta mas leu ciclonan politico.

El a enfatisa cu solucionnan ya ta disponibel.

Entre e medidanan cu e ta sigui defendiendo tin creacion di un oficina gratis di asistencia legal pa ciudadano nan vulnerabel, miho acceso na educacion, cuidu mas fuerte pa personanan mayor y un red social mas robusto.

A nota cu medidanan similar ya ta implementa riba islanan Caribe Hulandes di Bonaire, Sint Eustatius y Saba, probando cu reformanan asina ta realistico y alcansabel.

A pesar di esaki, Corsou ainda no a duna un respuesta substancial na recomendacionnan entrega añanan pasa.

A bisa tambe cu ciudadano nan no ta beneficia di mas estudio, grupo di trabao of documentonan di politica si nan no ta conduci na accion real. El a adverti cu e retraso continuo ta costando hende nan bida diario pa medio di stress, incertidumbre y falta di oportunidad.

Ombudsman ta bisa cu e ta spera cu un respuesta di gobierno anticipa finalmente lo marca e principio di accion concreto, pero si esaki lo pasa ainda no ta conoci.

Hulanda y Colombia ta co-anfitrión di combersacion di nivel halto na Santa Marta

(NLTimes) - Combersacionnan ministerial di alto nivel a inicia ayera na Santa Marta, Colombia, den un conferencia internacional caminda Hulanda y Colombia co-anfitrión, cu Hulanda tumando un rol lider. E combersacionnan lo dura dos dia mientras mas cu 50 pais ta papia tocante con pa elimina azeta, carbon y gas.


Hulanda, un consumidor y exportador grandi di combustibel fosil, a hunga un rol prominente den organisa e evento hunto cu Colombia. Ex minister di clima Sophie Hermans (VVD) a hiba e iniciativa pa dilanti.

E conferencia di seis dia cu a cuminsa cu sesionnan di stakeholder siman pasa, a drenta su fase ministerial decisivo dia 28 di april na Estelar Hotel. E reunion ta bini mientras cu prijs di combustibel ta domina titularnan mundial memey di e guerra den Medio Oriente.

Den 30 aña di reunionnan di Conferencia di e Partidonan, nacionnan a logra solamente un biaha — na e cumbre di 2023 na Dubai — pa inclui idioma riba “transicion for di combustiblenan fosil y sistemanan di energia” den un texto final. Esfuersonan di siguimento a para desde e tempo ey, principalmente pasobra productornan grandi di combustibel fosil ta stroba progreso.

Frustra pa e patronchi ey, organisadornan a crea e conferencia aki pafu di e proceso formal di Nacionnan Uni. E meta ta pa construi un “coalicion di esnan dispuestos” enfoca riba pasonan practico en bes di un documento final negocia.

“Esey ta parece un movimiento inteligente pa mi,” Margaretha Wewerinke-Singh, un hurista di e Instituto di Clima SEVEN di Universidad di Amsterdam, kende a yuda skirbi consoho di politica pa participantenan, a bisa. “Ta, naturalmente, lamentabel cu esaki no por ser haci na nivel mundial, pero paisnan cu e boluntad politico — e grupo cu ta bin awor — ya caba por haci hopi nan mes. Nan no mester warda te ora henter mundo ta cla.” Wewerinke-Singh a agrega,



“Na e cumbrenan di clima di Nacionnan Uni, e enfoke semper ta fuertemente riba e texto final. Despues e negociacionnan ta sigui pa varios dia, te den anochi, tin biaha riba un solo palabra. Pero awor, si no mester tin un declaracion final, bo por papia tocante kico mester sucede y e obstaculonan mas grandi.”

Mas cu 50 pais ta participando, compara cu e 198 usual na e cumbrenan completo di Nacionnan Uni. China, India, Saudi Arabia, y Merca—emisor y productornan principal—tabata ausente. Presente tabata Australia, Canada, Noruega, Brazil, y otornan. Hunto, e nacionnan cu a asisti a conta pa mas o menos un di cinco parti di produccion mundial di combustibel fosil.

Santa Marta a ser scogi como e lugar pasobra e ta cas di un terminal grandi di exportacion di carbon. Colombia ta e exportador di carbon mas grandi di Latino America y e di cuater productor di azeta mas grandi di e region. Presidente Gustavo Petro a para permisonan nobo pa exploracion di carbon, petroleo y gas como parti di un cambio berde, y Colombia tin como meta pa posiciona su mes como un modelo den e reunion.

Si Colombia por sostene e agenda ey ta keda insigur. Eleccionnan ta programa pa fin di mei, cu economia y politica di energia como asuntonan grandi. Partidonan derechista kier kita e prohibicion di exploracion nobo di petroleo y priminti estimulo economico pa medio di inversion renoba den combustibel fosil.

Hulanda a enfatisa cu e ausencia di algun nacion grandi no ta mina e esfuerso. Ofi-

cialnan ta describi e evento como un dialogo habri inicial entre partnernan dispuesto — esencialmente un centro di intercambio di conocimiento cu por duna resultadonan den transcurso di

tempo.

“E ta realmente un prome paso,” Leo Meyer, un experto di clima cu a negocia pa añanan na nomber di e delegacion Hulandes na e

cumbrenan di clima di Nacionnan Uni a bisa. “Hasta si e participantenan a conta pa solamente 10% di e emisionnan total di CO2, esey lo tabata un señal significant toh. Bo no mester crea expectativanan mucho halto. Esaki ta un empuhe, pero e por crece bira un empuhe cu hasta e cumbrenan grandi no por ignora.”

Meyer a señala cu e problemnan di energia actual ta enfatisa e necesidad pa elimina combustiblenan fosil. “Pero nos ta, naturalmente, den un conflicto cu e scarsedad di combustibel cu ta biniendo. Ainda tin plannan pa explora terenonan di gas den Lama di Noord. Esey ta haci’e dificil pa Hulanda presenta hopi promesanan grandi.”

LUNA DI LOCURA!

CUMpra 2 LOTTO 5 Y HAY 1 LOTTO 5 LOCO GRATIS

CON PA HUNGA?
CU CADA COMPRA DI 2 LOTTO 5 RIBA E MESUN TICKET TA RICIBI 1 LOTTO 5 LOCO COMPLETAMENTE GRATIS. MAS BO CUMpra, MAS TICKET LOCO GRATIS BO LO RICIBI!

PROMOCION TA VALIDO
TE CU 30 DI APRIL

www.lottoaruba.com

LOTTO
Cambiando bida...

Delcy Rodriguez ta cambia henter Tribunal Supremo di Husticia y ta elimina magistradonan di Maduro-Flores

(Infobae) - E presidenta encarga ta avansa un renobacion di liderato di e tribunal mas halto, clave pa asumi control di poder den Venezuela.

Delcy Rodriguez ya ta canando cu e renobacion di Tribunal Supremo di Husticia (TSJ). Den e mesun linea cu su predecesornan, e presidenta nobo encarga di Venezuela ta preparando un sacudi cu lo laga entre su victimanan figuranan hopi cercano di Nicolas Maduro y su esposa Cilia Flores, kende a diseña un Poder Judicial na nan imagen y semehansa.

Un decena di e 20 magistradonan cu ta compone e TSJ lo laga nan posicion definitivamente, segun versionnan no oficial. Ocho lo bay retiro. Riba e lista ey, dos miembro di Sala Penal ta destaca, Mai-kel Moreno y Elsa Gomez, cu a keda envolvi den controversianan tocante acusacionnan di corrupcion.

Nombrado di confiansa di e pareha Maduro-Flores, Moreno a presidi e tribunal mas halto di pais entre 2017 y 2022. E ta bao di sancion di 42 nacion, entre nan e mas importante ta Merca y Union



Europeo pa contribui na debilitamento di democracia y estado di derecho den Venezuela.

Ademas, cabes di Moreno tin premio: Washington ta ofrece recompensa di 5 milyon dolar pa informacion cu facilita su captura, pasobra husticia Mericano ta persiguiendo e pa su supuesto participacion den crimen organisa transnacional, ricibimento di soborno y labamento di placa.

Moreno tabata na cabes di TSJ riba 30 di april 2019, ora tabatin un intento di golpi di estado contra Maduro. Lider opositor Leopoldo Lopez a bisa cu e magistrado tabata parti di e plan, pero na final e no a cumpli cu e compromiso cu e tabatin di emití un sentencia na favor di e rebe-

lion.

Despues di e episodio turbulento ey, rumor a circula cu Maduro lo sak'e for di e institucion. Na final, el a logra recupera confiansa di e lider chavista y a ser ratifica na 2022 pa otro termino di 12 año. Cu Delcy Rodriguez den Miraflores, e strea di Moreno a paga.

Elsa Gomez tambe ta riba caminda di salida. Na 2013, e mesun Sala Constitucional di TSJ a determina cu el a comete un "eror inexcusable" y a actua "groseramente" ora, den su capacidad manera hues di Corte di Apelacion di Caracas, el a faborece un general di Ehército condena pa corrupcion.

Presidente di Sala Penal, pub-

licamente nan a cuestiona su rol pa supuestamente eherce presion indebi riba tribunanan y lidera persecucion hudicial contra disidentenan despues di eleccion presidencial di juli 2024. Gomez ta tia di esposa di Walter Gavidia Flores, yu grandi di Cilia Flores.

Cu Moreno y Gomez marginalisa, Delcy Rodriguez ta kita dos di e tres huesnan cu ta compone Sala Penal. E presidenta encarga a anuncia un reforma di sistema penal pa supuestamente combati retraso den procesonan, supera criminalisacion di pobreza y eradica corrupcion.

"Nos lo consulta Venezolanonan riba reforma di husticia penal. Ta un peticion di pueblo di Venezuela tur loke tin cu mira cu acceso na husticia, cu sea acceso oportuno na husticia," e presidenta interino a bisa.

Otro cu lo retira ta e cabes di Sala Social y prome vicepresidente di TSJ, Edgar Gavidia Rodriguez. Militante di extinto Movimiento Quinta Republica, partido funda pa Hugo Chavez, e ta ruman di prome esposo di Cilia Flores.

Di e 20 magistradonan principal, actualmente solamente un por ser vincula cu factornan opositor. E renobacion di TSJ, un proceso impulsa pa Asamblea Nacional — presidi pa Jorge Rodriguez, ruman di Delcy Rodriguez — ta bira un prueba nobo pa midi disposicion di Chavismo tocante un apertura democratico.

E liderato di Poder Judicial a ser usa pa Chavismo impone su posicionnan y sofoca disidencia. "Na 2024, e TSJ a hunga un papel fundamental den ignora boluntad popular expresa den eleccionnan di 28 di juli, y inconstitucionalmente a apropiacionnan di Consejo Nacional Electoral, profundizando asina falta di credibilidad y transparencia di resultadonan reporta pa Poder Electoral," ONG Provea a recorda.

E refrescamiento di e tribunal mas halto no solamente ta ser sigui di cerca pa sociedad Venezolano. Gobierno di Merca tambe ta observando cu hopi atencion movecionnan di Delcy Rodriguez, consciente cu Poder Judicial ta clave pa un transicion democratico den Venezuela.

Diputadonan Venezolano a pidi nan incorporacion completo den Parlamento di Mercosur

(Infobae) - E pais a ser suspendi for di e organismo na 2017, despues di aplicacion di Protocolo di Ushuaia, cu ta establece e compromiso democratico di su miembronan.

Un delegacion di diputadonan di Asamblea Nacional di Venezuela a solicita dialuna nan incorporacion como miembronan completo di Parlamento di Mercosur (Parlasur). Venezuela a ser suspendi for di e organismo aki na 2017 despues di aplicacion di Protocolo di Ushuaia, cu ta establece compromiso democratico di paisnan miembro.

"Aworaki nos a tene un reunion importante cu presidente di Parlasur (Rodrigo Gamara) y cu directiva pa oficialmente plantea nos aspiracion di integra como miembronan completo di Parlamento di Mercosur," diputado Saul Ortega a bisa den un



video publica pa Asamblea Nacional riba red social X.

E delegacion Venezolano tabata compone pa Ortega, e tambe oficialista Francisco Torealba, y e opositornan Pablo Perez y Jose Gregorio

Corea. Ortega a describi e reunion como hopi relevante, pasobra argumentonan di bloke Venezolano a ser presenta y, segun dje, e directiva di Parlasur a expresa su boluntad pa "pronto" Venezuela por rein-

tegra den e organisacion.

"Asina cu carga di Venezuela, cu sentimento di nos pueblo, aki nos ta y nos spera cu mas pronto cu despues nos por ta cu nos bancada expresando nos bos, e bos di Venezuela,"

e a agrega. Riba 27 di maart, Gobierno di Paraguay, cu tin Presidencia Pro Tempore di Mercosur, a anuncia cu lo propone na e otro miembronan completo reincorporacion di Venezuela.

Mercosur a ser crea na 1991 pa Argentina, Brasil, Paraguay y Uruguay. Venezuela a bira miembro completo na 2012, pero na 2017 e bloke a aplica su "clausula democratico" pa suspendi e pais debi na represion di protestanan anti-gobierno contra e dictador e tempo aki Nicolas Maduro y convocatoria di un Asamblea Constituyente cu a asumi funcionnan di Poder Legislativo.

Na januari ultimo, e bloke Latinoamericano a firma un acuerdo historico di comercio liber cu Union Europeo, estableciendo asina un mercado di mas cu 700 milyon consumidor.

Jamaica: Oposicion ta boga pa supervision parlamentario riba scarsedad di cement

(JamaicaObserver) - Vo-cero di oposicion riba inversion, comercio y Logistica Global, Anthony Hylton, ta boga pa supervision parlamentario urgente di e scarsedad di suministro di cement continuo, advertiendo cu e situacion ta forma un menasa serio pa e recuperacion di Jamaica despues di horcan Melissa y crecimiento economico mas amplio.

Hylton, den un comunicado di prensa emiti recientemente, a pidi pa e asunto ser treci dilanti di e Comision di Economia y Produccion sin tardansa, pa facilita e control completo di e causa di e scarsedad, evalua e adaptacion di e contesta di gobierno y determina e medidanan necesario pa sigura e suministro di Jamaica di mediano pa largo plaso.



Hylton a bisa cu e tabata involucra stakeholdernan clave di e industria, incluyendo contratista, fabricante, operadornan di hardware y inversionistanan, cu a lanta preocupacion cu e scarsedad ya ta strobando e liñanan di tempo di construccion, minando confiansa di inversionistanan, menasando trabaonan, y subiando gastonan den

henter e sector.

“Nos no por construi back miho si nos no por construi at all,” Hylton a declara. “Cement ta un entrada critico pa reconstruccion, resiliencia y crecimiento. Un dependencia di un medida temporal riba importacion no ta un strategia; e ta un solucion temporal cu no ta haci nada pa sigura

suministro of proteha cu ponan di trabao di Jamaica riba termino largo.”

El a agrega cu e lesnan di horcan Melissa mester informa un maneho mas enfoca pa futuro.

“Horcan Melissa a recorda nos cu Jamaica mester ta cla pa reconstrui lihe y efectivamente. E nivel di preparacion ey ta rekeri planificacion awor, no medidanan reactivo despues. Parlamento tin un responsabilidad pa garantiza cu e sistema y suministronan necesario ta na nan lugar pa sostene recuperacion nacional y desaroyo a largo plaso,” el a bisa.

El a sostene cu Jamaica ta rekeri urgentemente un strategia amplio pa garantiza un suministro di cement stabiel y confiabel, particularmente den lus di e nece-

sidadnan di reconstruccion despues di Horcan Melissa, e compromiso nacional pa construi back mas fuerte y mas resiliente y e demanda creciente di infraestructura grandi, vivienda, turismo, fabricacion y proyectonan di resiliencia di clima.

Carib Cement, e fabricante principal di cement na Jamaica, siman pasa a indica cu yobida pisa continuo a impacta su operacionnan, creando retonan cu condicionnan di materia prima y contribuyendo na algun interrupcion di ekipo y proceso cu a afecta temporalmente e nivelnan di produccion.

E compania a bisa cu algun retraso ta persisti debi na demanda aumenta y clima adverso continuo, pero a sigura cu esfuersonan ta andando pa restaura produccion optimal.

Traficacion di droga a aumenta na aeropuertonan di Republica Dominicana

(DiarioLibre) - Confiscacion di droga na aeropuertonan di Republica Dominicana a aumenta na 2025 compara cu e añan anterior, subiendo di 891.22 pa 931.43 kilogram, segun estadistica oficial di Direccion Nacional di Control di Droga (DNCD).

E aumento ta mara principalmente na e crecimiento di marihuana, cu a surpasa cocaina como e substancia confisca den e volumen mas halto.

Na 2024, e proporcion mas grandi a coresponde na cocaina, cu mas cu 629 kilo confisca, concentra den confiscacion na Aeropuerto Internacional di Punta Cana—cu mas cu 501 kilo—y na Aeropuerto Internacional di Las Américas, cu a surpasa 108 kilo.

Pa 2025, e confiscacion di e substancia ey a baha te na alrededor di 250 kilo, mientras cu e confiscacion di marihuana a subi te na mas cu 678 kilo, cu e presencia mas grandi na e aeropuertonan di La Romana, Las Américas y Punta Cana.

E tendencianan durante e ultimo cuater añanan ta muestra cambionan den tanto e volumennan como e tiponan di

droga detecta.

E prome aumento a tuma luga na 2021, cu 155.68 kilo di cocaina confisca, cu e incidencia mas halto na Las Américas y Punta Cana, ademá di e aparicion di substancianan manera heroína y extasi.

E aumento mas significativo a tuma luga na 2022, ora autoridadnan a confisca mas cu 334 kilo di cocaina na Punta Cana y mas cu 233.32 kilo na Aeropuerto Internacional di Las Américas, demostrando un escala mas grandi di trafico aereo.

931.43 kilo di narcotica a keda confisca na 2025, segun estadistica di e Directorado Nacional pa Control di Droga.

Aunke Punta Cana ta maneha envionan grandi na tempo specifico, Aeropuerto Internacional di Las Américas ta keda e punto principal di actividad constante.

Na mesun momento, terminan manera La Romana y Cibao a haya importancia, reflehando un expansion di e rutanen usa.

Pa 2023, marihuana a sigui gana tereno, specialmente na Las Américas, cu 202.85 kilogram, marcando un cambio den e dinamica di trafico.



Durante e ultimo cuater añanan, otro substancianan manera hashish y opium tambe a refleha cambionan den e dinamica di trafico a traves di aeropuertonan.

Desde 2021, trafico di hashish a muestra un tendencia di bahada.

E droga aki a baha di 2.84 kilogram pa 8 na 2022, a desaparece for di e estadisticanan na 2023, y a bolbe aparece cu solamente 0.47 kilogram na 2024 y 0.17 kilogram na 2025. Opium, mientras tanto, a

registra volumennan abao na comienso, alcansando su maximo na 2023 cu 12.84 kilogram y gradualmente bahando te na djis mas cu mitar kilogram na 2025.

E variacionnan aki ta demostra ahustenan den e substancianan trafica, den un escenario caminda marihuana ta ganando prominencia y cocaina ta perde peso relativo.

E cantidad di aresto pa traficacion di droga a aumenta constantemente. Na 2021, por lo menos 41 persona a

keda aresta, incluyendo 25 homber y 16 muhe. E tendencia aki a sigui den 2022, alcansando 81 caso.

Na 2023, 48 persona a keda deteni.

Durante 2024, e cantidad a aumenta atrobe te na 67 persona involvi (50 homber y 17 muhe).

Na 2025, sinembargo, e cantidad di hende aresta tabata 47, di cual 29 tabata homber y 18 tabata muhe.

Homber ta declara su mes culpable pa plan di atake riba concierto di Taylor Swift

(AFP)—Un homber di 21 aña a declara su mes culpable diamars den un corte na Austria pa un plan terrorista pa ataca un concierto di Taylor Swift, cual a causa cancelacion di e parti di tour “Eras” di e superstrea Mericano na Vienna.

Tres fecha di e tour record di Swift a ser cancela den verano di 2024 despues cu autoridadnan a adverti di un supuesto plan di grupo Estado Islamico.

E acusado, identifica como Beran A., a ser hiba den sala di corte pa polisnan bisti cu mascara na comienso di su huicio pa ofensa di terrorismo y otro acusacionnan den un corte na Wiener Neustadt, pafor di Vienna. “E ta declara su mes culpable pa tur,



cu excepcion di intento di asesinato,” su abogado Anna Mair a bisa AFP.

Un otro homber di 21 aña, Arda K., ta enfrenta huicio hunto cu Beran A., segun

agencia di noticia Austriaco APA.

E duo, hunto cu un tercer Austriaco, Hasan E., deteni na Arabia Saudita, ta acusa di forma un “celula terrorista

IS altamente peligroso” cu tabata planiando varios atake den nomber di IS, fiscalnan ta bisa.

Beran A. tabata supuestamente planeando un atake na stadion Ernst Happel na Vienna durante concierto di Swift.

El a testigua den corte cu ainda e no tabatin un plan cla pa e atake prome cu el a ser aresta na augustus 2024, dos dia prome cu e show.

E Austriaco a keda deteni desde su aresto.

Pa e plan di atake riba e concierto, supuestamente el a purba haya armamento y a traha riba fabricacion di un bom di fragmento “specificamente pa atakenan di IS”, y a ricibi instruccion for di otro miembronan di IS riba con ta maneha un explosivo, segun fiscalnan.

Den su testimonio, Beran A. a bisa cu el a bira convenci cu e “mester haci jihad”, pero tabatin “miedo di muri”, segun APA.

El a bisa cu e no a logra fabrica un bom, pero a comunica den varios grupo di chat, incluyendo cu un miembro di rango halto di IS prome cu e concierto.

“Mi tabata buscando motivacion. Mi tabata gusta haya atencion,” el a bisa.

Plannan di atake den exterior

Beran A. ta acusa di tabata miembro di un organizacion terrorista desde mei 2023 “door di planifica y prepara un atake terrorista” riba concierto di Swift, fiscalnan a bisa.

Door di comparti propaganda di IS via varios servicio di mensahe y otro ofensa, el a participa y “claramente a alinia su mes” cu IS, nan a agrega.

E tambe ta acusa di tabata involucra den otro plannan di atake den exterior.

Den corte, el a testigua con el a biaha bay Dubai y a cumpra dos cuchiu pa usa contra oficialnan di seguridad na maart 2024.

Pero ora el a busca un polis of soldad pa hinca, el a haya un “atake di panico” y final-



mente “a retira,” sintiendo un “sensacion di fracaso,” el a bisa.

Hasan E., e sospechoso deteni na Arabia Saudita, ta acusa di a hinca un oficial di seguridad na Mecca na 2024 y herida cuatro otro prome cu el a ser domina.

Embahada di Austria ta den contacto cuney ta siguiendo un proceso hudicial, segun ministerio di Asunto Exterior.

Beran A. y Arda K. ta acusa di a motiva Hasan E. prome cu e atake — un acusacion cu Beran A. ta nenga, su abogado a bisa.

El a bisa den corte cu Hasan E. a “manipula” Beran A. E dos a bira amigo durante nan estudio na Vienna.

Plan fracasa

Huicio di e dos acusado ta programa pa cuatro fecha den corte, te mei 21.

Beran A., kende a ser aresta dos dia prome cu e prome concierto di Swift lo mester a tuma lugar, ta enfrentando te 20 aña den prison riba e acusacionnan.

A preveni e plan di concierto cu ayudo di inteligencia di Merca.

Swift despues a skirbi riba red social cu “e motibo pa e cancelacionnan a yena mi cu un sentido di miedo nobo, y un cantidad enorme di culpa pasobra hopi hende tabata planea pa bin na e shownan”.

Aña pasa, un corte na Berlin a condena un adolescente Sirio pa contribui na e plan pa ataca concierto di Swift.

E hoben di 16 aña a ricibi un sentencia suspendi di 18 luna.

ZIMA | **JOIA**
 BY IBEROSTAR
 MAY 1, 2026
LABOR DAY SUNSET

2x1 Sunset Spritz \$18
 Golden Society | 5:30PM to 7:30PM
 Reservations trough [opentable.com](https://www.opentable.com)

Centro di Bario Noord cu honor di habri e prome mini expo di Biblioteca Nacional pa tur bario: Presentacion y Mini Expo “Conoce historia di Boy Ecury”

Centro di Bario Noord a orguyosamente presenta e prome mini expo cu Biblioteca Nacional Aruba (BNA)—Departamento Arubiana-Caribiana lo bay haci den tur bario.

Diahuebs tayer educativo y cultural, titula: “Cera conoci cu historia di ‘BoyEcury’”, a tuma lugar na Centro di Bario Noord. Cu’n iniciativa cu tabata tin como meta pa pone luz riba bida y legado di un di e heroenan mas importante di Aruba. Esaki a keda presenta pa BNA—Departamento Arubiana-Caribiana. Cu e evento kier conscientisa comunidad di un relato profundo di balor, sacrificio y amor pa libertad, inspira pa e historia di Boy Ecury durante Guerra Mundial II. Boy Ecury, un hoben Arubiano cu a demostra curashi sin igual, a bira un simbolo di resistencia contra opresion. Su participacion den e lucha clandestino contra e ocupacion Nazi na Hulanda ta un fuente di inspiracion pa generacionnan actual y futuro. Cu e tayer aki, Centro di Bario Noord kier mantene bibo e memoria di e heroe aki, y alabes educa comunidad riba e balornan fundamental di libertad, husticia y patriotismo.

E actividad a consisti di un sesion interactivo unda participantenan a haya oportunidad pa siña mas riba e bida di Boy Ecury, su rol den e resistencia, y e circunstancianan historico di e epoca di Guerra Mundial II. Mediante relato, material audiovisual y discusionnan guia, e publico a conecta emocionalmente cu e historia, compronde su importancia y reflexiona riba su relevancia den nos sociedad actual.

Un elemento special tabata e Mini Expo cu a wordo presenta pa Biblioteca Nacional Aruba (BNA)—Departamento Arubiana-Caribiana. E exhibicion aki a muestra documentonan historico, potretnan, y otro material relevante cu ta relata e bida di Boy Ecury y su contribucion na lucha pa libertad. E colaboracion cu BNA a enfatisa e importancia di preserva y comparti nos herencia cultural y historico cu e comunidad amplio.

Centro di Bario Noord ta kere firmemente cu educacion historico no solamente ta trata di pasado, pero tambe di forma un guia pa futuro. Door di comparti e historia di Boy Ecury, Centro ta busca pa inspira hoben y adulto pa reflexiona riba nan propio rol den comunidad y e im-



pacto cu nan por tin ora nan defende balornan corecto.

E tayer a habri su porta pa tur hende interesa, incluyendo estudiante, docente, investigadornan, y miembronan di comunidad cu tin interes den historia local y internacional. Ta un oportunidad unico pa siña, dialoga y conecta cu un parti esencial di identidad

Arubiano.

Ademas, e evento a brinda un ambiente unda participante nan por a intercambia ideanan, haci pregunta, y comparti nan propio reflexionnan. E meta ta pa crea no solamente un momento di enseñansa, pero tambe un experiencia cu ta fortalece orguyo nacional y sentido di comunidad.

Un historia di balor. Un le-

gado di sacrificio. Un fuente di orguyo Arubiano. E historia di Boy Ecury ta merece pa wordo conta, celebra y recorda—awor y semper.

Centro di Bario Noord tabata tin e honor di habri e prome mini expo cu Biblioteca Nacional Aruba (BNA)—Departamento Arubiana-Caribiana lo bay haci den tur bario.



May 01, 7AM - 12PM

LABOR DAY

Breakfast

All you can eat breakfast \$50 per person

JOIA
BY IBEROSTAR

BUCATINI
MARKET & CUCINA

15% OFF LOCAL DISCOUNT
RESERVATIONS TROUGH OPENTABLE.COM

Brighton ta presenta plan pa stadion separa pa futbol femenino



(AFP)—Club Brighton a presenta diamars nan propuesta pa loke nan ta bisa lo ta e prome stadion di futbol femenino construi especificamente pa esey na

Europa.

E club, di cual su equipo masculino ta competi den Premier League di Inglatera, ta kere cu e stadion nobo lo

“proveye un cas permanente y identidad pa e equipo femenino”.

E stadion ta programa pa ta situa na Bennett's Field, un lugar banda di Amex Stadium — cas di equipo masculino di Brighton.

E lo tin un capacidad minimo di 10.000 y lo ta conecta cu Amex via un pasarela riba brug.

Suheto na aprobacion di planificacion, Brighton, actualmente di seis lugar den liga superior femenino di 12 equipo na Inglatera, ta spera pa habri e stadion pa comienso di temporada 2030/31.

“E perspectiva di un stadion construi especificamente, dedica exclusivamente pa hungadornan femenino,

personal y fanaticonan, ta increíblemente emocionante,” Zoe Johnson, director general di futbol femenino y di mucha muher di e club, a bisa.

“Esaki ta un proyecto unico di su tipo na Reino Uni y Europa, y un di apenas tres na mundo, y lo captura imaginacion di stakeholdernan den futbol femenino, no solamente aki, pero globalmente.”

Brighton ta bisa cu cambernan di cambia paña, standard di veld y espacio pa recuperacion lo “sostene hungadornan femenino di nivel halto”, mientras experiencia di dia di wega lo ta “diseña pa ta particularmente acogedor pa famianan y esnan cu ta bin pa

promer biaha”.

Lo tin tambe cambernan pa mamanan cu ta duna pecho, lugar pa cambia pampers di baby y parkenan pa stroller.

Johnson a agrega cu e stadion lo yuda Brighton “pusha dilanti nan ambicion pa competi consistentemente tanto localmente den Women's Super League (WSL), como tambe den competencia di club Europeo” mientras e ta construi un “base di fanatismo apasiona”.

Brighton a hunga ocasionalmente partidonan di WSL na Amex, pero mayoria di nan partido na cas ta tuma lugar na Broadfield Stadium di Crawley Town, mas o menos 32 kilometer leu.

Ex hugador di NBA Damon Jones ta declara su mes culpable den investigacion riba wega di placa

(AFP)—Ex-hugador di NBA y ex-asistente entrenador Damon Jones a declara su mes culpable pa acusacionnan di wega di placa, medionan Mericano a reporta diamars, e prome condena den un scandal di bet cu a envolbe basketball di nivel halto.

Jones, 49 aña, a ser acusa pa su supuesto rol den un plan unda fiscalnan ta bisa cu a provee informacion interno riba lesionnan y ausencia di hungadornan na hendenan cu ta bet entre december 2022 y maart 2024.

Den un caso, el a comparti cu LeBron James no lo hunga pa

motibo di lesion den un wega di Los Angeles Lakers contra Milwaukee Bucks prome cu e informacion aki a bira publico.

Jones inicialmente a nenga e acusacionnan pero despues a declara su mes culpable na un solo cargo di conspiracion pa comete fraude via comunicacion electronico den corte na New York. Su sentencia ta programa pa januari 2027.

“Mi kier pidi dispensa sinceramente na corte, mi famia, mi coleganan y tambe na e Asociacion Nacional di Basketball,” el a bisa durante e audiencia, segun medionan Mericano.

Jones ta e prome di seis acusado cu a declara su mes culpable den e caso, cual ta inclui guard di Miami Heat Terry Rozier.

Fiscal federal ta planea pa presenta mas acusacion contra Rozier, alegando cu el “a solicita y acepta un soborno,” segun The New York Times.

Jones tabata spera pa declara su mes culpable mas despues riba e mesun diamars den un segundo caso separa cu ta involucra un red nacional di wega di poker manipula cu conexcionnan cu mafia.

Alrededor di 30 hende a participa den e plan, cual a usa equipo di fraude hopi sofisticado,

incluyendo mesa cu tecnologia tipo X-ray, y Jones supuestamente a usa su fama pa atrae victimanan.

Jones tabatin un carrera modesto como hungador di 11 diferente equipo, notablemente cu Cleveland Cavaliers entre 2005 y 2008, unda el a hunga hunto cu James, cuatro biaha campeon di NBA.

Despues el a bira asistente entrenador, trahando atrobe pa Cavaliers entre 2016 y 2018 durante segunda etapa di James na Ohio.

Jones a sirbi como entrenador personal di James durante



rante temporada 2022–2023 despues cu e strea a uni cu Lakers, sin ta emplea oficialmente pa e equipo.

Gigante bancario JP Morgan ta bira sponsor di Olimpiada

(AFP)—JP Morgan Chase a bira e prome banco global pa uni cu Olympic Partner Programme (TOP) diamars, den un impulso importante pa presidente di Comité Olimpico Internacional (IOC) Kirsty Coventry.

E gigante bancario Mericano a firma un acuerdo cu ta cubri Olimpiada di verano y Paralimpico di Los Angeles 2028 y Olimpiada di invierno y Paralimpico 2030 na Alpes Frances.

“JPMorganChase ta e prome partner global for di sector bancario den historia Olimpico, y nos ta orguyoso pa duna nan bon bini na e programa di Worldwide Olympic Partner,” Coventry a bisa



den un declaracion di IOC.

“Alcance global y experticio di JPMorganChase lo brinda sosten duradero pa atletanan y yuda crea un impacto duradero den comunidannan rond mundo.”

TOP, cual a ser crea pa ex-herfe di marketing di IOC Michael Payne na 1985, durante presidencia di Juan Antonio Samaranch Senior, ta duna derecho exclusivo global di marketing pa Olimpiada y Paralimpico na un grupo selecto di companianan.

lecto di companianan.

Reportahenan mas tempran e aña aki a bisa cu entrada di IOC a baha pa \$560 milyon aña pasa, e cifra mas abao desde 2020.

Esaki a sigui retiro di companianan importante manera Intel, Toyota, Panasonic — cu tabata miembro di TOP desde 1987 — y Bridgestone despues di Olimpiada di Paris 2024.

JP Morgan a construi un portofolio amplio di inversionnan deportivo cu ta inclui tennis di Grand Slam, US Open y equiponan di futbol di Inglatera via su division di banco minorista, Chase.

Miembronan actual di TOP

ta inclui Coca Cola y Visa, e dosnan cu mas tempo participando.

“Nos ta honra pa ta un Worldwide Partner di Olimpiada y Paralimpico, apoyando atletanan, fanaticonan, negoshi y comunidannan rond mundo,” Jamie Dimon, presidente y CEO di JPMorganChase, a bisa.

“Atletanan Olimpico y Paralimpico ta mas cu atleta — nan ta nos cliente y empleadonan, y nan soñonan ta bay mas leu di e Weganan.

“Nos ta sirbi e comunidannan unda nan ta biba, financia e instalacionnan unda nan ta entrena, yuda nan cuminsa cu nan negoshi, y plania nan futuro.”

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Felix, 40 aña, ta bisa cu e ta planeando un regreso pa Olimpiada di LA

(AFP)—Allyson Felix, e muher cu mas medaya den historia di atletismo Olimpico cu 11 medaya, a bisa cu e ta planeando un regreso na edad di 40 aña cu su bista riba Olimpiada di Los Angeles 2028.

Felix a bisa revista Time den un articulo publica online di-aluna cu e ta preparando pa loke e ta spera lo ta su di seis Olimpiada den su ciudad natal ora e lo tin 42 aña.

“Esaki ta un regreso cas,” Felix a bisa riba su soño Olimpico. “Y esaki ta e unico cos suficientemente poderoso pa hala mi back aden.”

Felix ta e atleta Olimpico Mericano cu mas medaya den atletismo.

El a gana su unico oro individual den 200 meter na Londres na 2012, a agrega oro den relay di 4x400 na 2008 na Beijing, 2012 na Londres, 2016 na Rio de Janeiro y 2021 na Tokyo, y a gana titulo den 4x100 na 2012 y 2016. El a gana plata den 200m na

2004 y 2008, plata den 400 na 2016 y brons den 400 na Tokyo.

Felix a defende causa di muhernan cu ta bolbe den competencia despues di haya yiu. El a duna luz na un yiu muher na 2018 y un yiu homber na 2024.

Felix a asisti e Olimpiada di Paris 2024 como espectador y a sinti cu e ta haya falta di su dianan di competencia.

“Tabata sigur un mixto di emocionnan,” Felix a bisa revista. “Tabatin momentonan unda mi tabata bisa, ‘Esaki ta asina bunita. E ta emocionante pa ta den tribuna y n’e otro banda.’”

“Y despues tabatin momentonan unda mi tabata bisa, ‘Bo sa, mi ta haya falta di e sentimento aki.’”

Felix tambe a gana un record di 20 medaya na Campeonato Mundial, e cantidad mas halto pa cualkier muher of homber, incluyendo 14 titulo.

El a gana titulo den 200m na 2005, 2007 y 2009 y na 400 na 2015, como tambe tres titulo den relay di 4x100, un titulo den relay mixto di 4x400 na 2019 y seis oro di relay femenino di 4x400, incluyendo na su ultimo competencia, Campeonato Mundial 2022 na Eugene, Oregon.

Felix, un miembro di e comision di atleta pa e comite organisador di Olimpiada LA 2028, a bisa cu e ta realista riba su meta.

“Mi sa cu, cu 40 aña, mi no ta na mi punto maximo. Mi no tin ningun ilusion riba esaki,” Felix a bisa. “Mi ta hopi cla riba kico esaki ta y kico mi kier mira. Y mi ta spera cu hende lo mira esaki tambe.”

Haya apoyo di publico local ta parti di su meta.

“Ora mi tabata competiando, bo tabata tende e grito fuerte pa atletanan di paisnan anfitrión na Olimpiada,” Felix a bisa. “Mi lo kier experiencia esaki.” Simplemente purba competi



na Olimpiada di LA ta un victoria riba su mes pa Felix.

“Mi probablemente lo keda desapunta cu mi mes si mi no purba,” Felix a bisa. “Ni

maske con e termina, mi lo t’ey cu mi yiunan, pasando tempo ameno y animando tur hende.”

Ultimo weganan den Damas Youth U17 a tuma lugar mientras diasabra awor lo inicia cu e playoff final

Diasabra e campeonato di Damas Youth U17 a yega su final. Den e weganan di 4or di atardi nos por a mira RCA enfrenta Britannia mientras San Luis Deportivo a hunga contra di Bubali.

RCA y Britannia tur dos a clasifica pa e playoff y e wega aki tabata un bon test pa asina mira si tur cos ta ready pa diasabra awor. Ambos ekipo a haya bon chens pa anota gol, un Britannia mas sigur pa loke ta acabadanan riba gol. Britannia ta sali triunfador ganando RCA cu e score di 3 - 1. E golnan di Britannia a bini di Yentl van Kats, Kim Schoppema y Zyana Rogers, mientras pa RCA a anota Si-

enna Elings

Di otro banda, Bubali y San Luis Deportivo a hiba un bon bataya, unda Bubali tabata mas den atake durante henter e partido y a sali vencedor ganando San Luis cu e score di 3 - 0. E golnan di Bubali a wordo anota pa Sofia Mora, Natalia Moncayo y Kristeen Brete. Mester bisa cu Bubali tambe ta cla pa e playoff final di diasabra awor.

Den e weganan di 2or di merdia, Dakota ta vence Nacional 2 - 0 cu golnan di Victoria Fernandez y Sharrienne Vrolijk.

Diasabra awor 2 di mei pa 2or di atardi nos lo tin e prome dos weganan di e playoff.

RCA vs Dakota
Britannia vs Bubali





(Infobae) - E avance di awanan profundo cayente bao di plataforman di ijs por activa un aumento global den oceanon, experto nan di Universidad di Cambridge a adverti den un estudio.

E avance di awanan cayente profundo pa Antartica ta menasa di smelt masanan enorme di ijs y por activa transformacionnan irreversible den dinamica climatico di planeta, segun un estudio guia pa Universidad di Cambridge y publica den revista Communications Earth & Environment.

Investigadornan a documenta cu e fenomeno aki ta representa un riesgo directo pa e plataforman di ijs Antartico y e subida di nivel di lama na escala global.

Aunke e menasa cu awanan cayente ta representa pa estabilidad di ijs Antartico tabata un hipotesis sosteni pa modelonan climatico anterior, e estudio awo ta confirma cu observacionnan directo cu e proceso ta den marcha y cu subida di nivel di lama por ta inminente si condicionnan actual continua.

E estudio guia pa investigadornan di Cambridge den colaboracion cu Universidad di California (UCLA), ta adverti cu e yegada di awanan mas cayente riba plataforma continental Antartico por smelt ijs for di abao, debilitando nan estructura y permitiendogliaciar nan y capanan interior avansa pa ocean.

E proceso aki ta subi nivel

Ta adverti cu ijs cu ta smelt na Antartica por subi nivel di lama te cu 58 meter

global di lama, pasobra Antartica ta warda enorme reserva di awa dushi.

Durante cuarenta aña, un team internacional di científiconan a colecta datonan oceanografico usando barconan autonomo y buya, haci observacionnan directo di con calentamento global ta altera corrientenan di Oceano di Sur.

E cambio aki ta permiti cu e asina yama “Awa Profundo Circumpolar”, un masa oceanico cayente, ta expande y acerca e region Antartico, debilitando e proteccion natural di plataforman di ijs.

Joshua Lanham, autor principal di e estudio, a enfatisa cu e masa di awa cayente “por infiltra bao di e plataforman di ijs Antartico, smelt nan for di abao y destabilisa nan.”

E investigador a indica cu, aunke modelonan climatico ya tabata anticipa e fenomeno aki, “awo e ta ser observa cu dato real.”

Plataforman di ijs ta funciona manera freno natural cu ta contene glaciarnan y capanan di ijs di continente.

Segun calculacionnan di Cambridge, un colapso masivo di e estructuranan aki por libera suficiente awa dushi pa causa un subida di nivel di lama te cu 58 meter.

Plataforman di ijs, cu prome tabata proteha pa awa friu, awo ta exponi na temperatura mas halto bao di nan superficie. Sarah Purkey, profesora na Scripps Institution of Oceanography, a compara e situacion cu “habri e grifto di awa cayente” bao di e plataforman aki.

E grupo científico a splica cu perdida di proteccion ta aumenta e riesgo di colapso di e plataforman, afectando tambe glaciarnan y capanan interior. Esaki por activa impacto riba dinamica Antartico y subida global di nivel di lama.

E estudio a combina registran historico di barco cu datonan reciente di red di buynan Argo y a aplica machine learning pa construi un registro mensual di cuarenta aña. E metodologia aki a haci posibel pa identifica entrada di calor den areanan di Oceano di Sur cu prome tabata considera aisla.

Mas cu 90% di e calor adicional produci pa calentamento global ta almacena den oceanon, y ta calcula cu Oceano di Sur ta un di e principal recipiente.

Expertonan a observa un disminucion den formacion di awa extremadamente friu y denso, un fenomeno cu prome

tabata yuda mantene awanan cayente leu, y cu awo ta reduci pa e subida global di temperaturanan.

Panel Intergubernamental riba Cambio Climatico (IPCC) ya tabata predici cu subida di temperaturanan y suministro di awa dushi for di deretimento di ijs lo reduci formacion di awanan denso tanto den Atlantico Noord como na Antartica.

Manera Infobae a publica, debilitamento di corrientenan grandi, manera circulacion meridional di regreso di Atlantico (miho conoci como AMOC), ya ta observable den tur dos hemisferio.

“No ta solamente un posibilidad teorico; e datonan ta muestra cu e fenomeno aki ta ocurriendo, cu consecuencia nan pa e ciclo global di carbon, nutriente y calor,” Lanham a bisa den un comunicado di universidad.

Profesor Ali Mashayek, un di e autor principalnan di e estudio for di Departamento di Ciencia di Tera di Cambridge, a destaca e significancia global di e modificacionnan aki: “Oceano di Sur ta hunga un papel critico den regula calor global y warda carbon, asina cu cambionan den distribucion di calor den e region aki tin implicacionnan mas amplio pa e sistema climatico global.”

UE ta bisa Google habri Android pa rivalnan di AI

(AFP) - Union Europeo dialuna a presenta medidanan cu e kier Google tuma pa habri su sistema operativo pa servicionan rival di inteligencia artificial, un decision cu e gigante tecnologico Mericano a critica fuertemente.

“E medidanan proponi tin como meta pa sigura cu servicionan rival di AI por interactua efectivamente cu aplicacionnan riba dispositivonan Android di usarionan y ehecuta tareanan en consecuencia, manera manda un e-mail usando e aplicacion di e-mail preferi di usuario, ordena cuminda of comparti un portret cu amigonan,” Comision Europeo a bisa.

Bao di e ley Digital Markets Act (DMA), e ley principal di Union Europeo, e companianan tecnologico mas grandi di mundo mester habri nan

sistema pa competencia pa duna consumidornan mas opcionnan y limita abuso relaciona cu dominacion di mercado.

Gobierno di presidente Mericano Donald Trump a critica fuertemente e ley aki y su ley ruman Digital Services Act,

acusando Bruselas di apunta inhumane riba companianan Mericano.

Bruselas a bisa cu e propuestanan pa Google “lo provee usarionan di Android den henter UE cu un seleccion mas amplio di servicionan di AI.”

Pero Google a responde, bisando cu e “intervencion sin hustificacion” ta trece riesgo di “subi costo innecesariamente mientras cu ta debilita proteccionnan critico di privacidad y seguridad pa usarionan Europeo.”

E ultimo paso di EU (Union Europeo) ta representa parti di su conclusionnan preliminar di un proceso lansa na januari.

E proceso cu ta involucra Google no ta un investigacion formal cu por conduci na multanan.

Pero si Bruselas no ta satisfecho cu esfuersonan di Google, despues e por conclui cu e compania no ta cumpli.

Y cualkier violacion di DMA por conduci na multa di te 10% di e entrada global total di un compania.

Google ya ta suheto di varios investigacionnan formal di DMA, y a ser castiga cu un multa grandi di 2,95 biyon euro na september 2025 den un caso di competencia di UE cu a precede e ley digital.



Accidente serio cu hende herida riba e caminda di Verano pa Sero Biento



Diadomingo merdia a drenta informe di un accidente cu hende herida riba e caminda di Verano pa Sero Biento, mesora a dirigi tanto polis como

ambulance na e sitio.

Na yegada di e patruya a bin compronde cu aki ta trata di un accidente unda un pick-up truck a bay na man drechi


pa tuma un "u-turn" pero net na e momentonan ey un auto Nissan Skyline ta baha cu basta velocidad riba e caminda ey y como cu e no a haya preferencia dal dilanti di

e pick-up tanto e chauffeur di e pickup y e yiu na banda a resulta herida.

Na yegada di e ambulance nan a atende ambos victima y

a transporta nan pa hospital. E Skyline no tabata tin su papelnan na ordo pero e chauffeur tabata tin su rijbewijs.

Accidente entre 3 auto ora e chauffeur di un Honda Fit bayendo pabao a bay bira na man robes



Diadomingo mainta a drenta informe di un accidente cu hende herida na Kudawecha, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda e chauffeur di un Honda Fit bayendo pabao a bay bira pero ela cuminsa bira y a dal para ora a topa auto contrario y

esaki a dal den dje mand'e bay dal e B.M.W. su tras di un iX2 den banda robes y push'e.

Na yegada di e ambulance nan a controla tur hende na e sitio mes.

Chauffeur a caba di sali for di su cas y accidenta riba cas di su bisiña



Diadomingo atardi a drenta informe di un accidente cu hende herida na Jaburibari, mesora a dirigi

tanto polis como ambulance na e sitio.

Na yegada di e patruya a bin compronde cu aki ta trata di

un accidente unda e chauffeur di un Nissan March a bay sali for di su cas y pa motibo desconoci el a sali bay

dal riba cashi di coriente di su bisiña. Debi na e impacto fuerte e chauffeur a resulta herida.

Na yegada di e ambulance nan a atende e chauffeur y a transporte pa hospital.

Chauffeur di Jeep a bay lora pa parkeer na compleho di apartamento y su spiel a dal homber riba bicicleta electrico



Diadomingo anochi a drenta informe di un accidente cu hende herida na Montaña, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda e chauffeur di un Jeep a bira na man drechi pa parkeer sin a mira e ciclista riba bais electrico y e spiel di e Jeep a dal e bente abao.

Na yegada di e ambulance nan a atende e victima y a transporte pa hospital.

Chauffeur a perde control saliendo for di rotonde y accidenta



Diadomingo madruga a drenta informe di un accidente cu hende herida na Kibaima, mesora a dirigi

tanto polis como ambulance na e sitio.


Na yegada di e patruya a bin

compronde cu aki ta trata di un accidente unda e chauffeur di un Kia Picanto saliendo for di e rotonde di Balashi

a perde control dal vangrail bay banda drechi dal riba un mata. Debi na e impacto e chauffeur dal su cabes y a re-

sulta herida. Na yegada di e ambulance nan a atende na e sitio mes.

Homber di edad a cay flauw durante misa na Pro-Catedral San Francisco



Diadomingo mainta a drenta informe di cu un homber di edad a cay flauw na Pro-Catedral San Francisco, mesora a dirigi un ambulance na e sitio.

Na caminda pa e sitio a bin compronde cu ya caba e homber a bin bij caba pero no tabata muestra bon. Na yegada di e ambulance nan a atende e victima y despues di un deliberacion cu su dokter di cas e por a keda.

Taxi a causa accidente na Calabas cu hende herida y a sigui core bay

Diadomingo mainta a drenta informe di un accidente cu hende herida na e crusada na Calabas, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda un taxista bayendo zuid a bay pasa e auto Toyota Aygo su dilanti

net despues di e bocht pero auto Honda di direccion contrario net ta bini y a bay dal tanto riba e Honda como e Aygo. Debi na e impacto aki 2 persona a resulta herida.

Na yegada di e ambulance nan a atende e victimanan. Despues di e impacto e taxi color blauw a sigui core bay manera nada a pasa.




Motor a sali for di auto despues cu chauffeur a dal palo di luz

Diadomingo madruga a drenta informe di un accidente cu hende herida na Tamarijn, mesora a dirigi tanto polis cu ambulance na e sitio.

Na yegada di e patruya a bin compronde cu aki ta trata di un accidente unda un hoben chauffeur coriendo un Kia Rio cu velocidad halto bayendo pabao a perde control kibra palo di luz cu transformer bay para na un distancia. Den e impacto cu e palo di luz e motor completo a sali bay na un distancia pasa over di un cura di cas drenta kibra baki mata sigui bay dal na e muraya di cas banda pabao.

Debi na e impactonan tanto e hoben chauffeur como e ocupante femenino a resulta herida.

Na yegada di e ambulance nan a atende e victimanan y a transporta ambos pa hospital.



KPA ta buscando abo: Aplica pa aspirant di Polis nivel 2

Santa Cruz, ARUBA: Cuerpo Policial Aruba ta buscando abo, forma parti di nos organisacion policial y sirbi bo Pais dignamente. Nos ta habri e oportunidad pa nos comunidad por solicita pa Medewerker Veiligheidszorg nivel 2.

Eleva bo conocimiento, conoce y siña nos leyman hudicial, reglanan y proceduranan. Mas aun brinda e servicio y seguridad na nos comunidad. Alabes respeta e uniform y ta integro pa bienestar di nos Pais. Bo contribucion pa bira polis nifica un desaroyo personal, salario ta sigui crece, bo lo traha pa pais Aruba, ricibi bo rango y decretonan gubernamental y



crece substancialmente den bo carera policial. Esaki ta algo pa bo? Desde awe 28 april te cu dia 5 di juni 2026, hoben for di edad minimo di 17 te cu 34 aña por aplica. Aki bou nos lo menciona e rekisitonan cu mester pa admision:

- Mester tin nacionalidad Hulandes;
- Mester ta inscribi y ta biba na Aruba;
- Edad minimo 17 aña y maximo 34 aña;
- Estatura sin sapato, minimo 1.60 meter;
- Mester tin un diploma

MAVO, EPI, EPB Doorstroom of un diploma cu ta igual na esakinan. Pasa yena e formulario di solicitud, personalmente na Scol di Polis E.J. Watty Vos

situa na Forthuevelstraat 25, di dialuna pa diahuebs entre 09:00 – 14:00. Nos ta buscando abo! Cuerpo Policial Aruba ta warda abo, aplica awe!

Marinierskazerne Savaneta ta habri su portanan pa publico dia 1 di mei



Marinierskazerne Savaneta un biaha mas lo habri su portanan pa publico dia 1 di mei 2026. For di 10:00 AM pa 4:00 PM, tur hende ta calurosamente bon bini pa tira un bista exclusivo paden di Korps Mariniers.

E Open Dag ta un oportunidad unico pa siña mas di Korps Mariniers y e diferente servicjonan di siguridad cu hunto ta percura pa siguridad di Aruba. Guardacosta di Caribe, Cuerpo Policial di Aruba, y Brandweer di Aruba tambe lo ta presente pa muestra nan trabou cu demostracionnan impresionante y actividadnan interactivo.

Durante e dia habri, bishitantenan lo tin e oportunidad unico pa participa activamente den varios actividadnan emocionante. Por ehempel, nan por subi riba awa y nabega riba e FRISC, un boto rapido y agil cu ta garantisa un experiencia espectacular. Adicionalmente, ta posible pa core riba e Anaconda. Pa esnan cu ta prefera haltura, tin un stacion di rappel unda participantenan por baha tranquil bao di supervision. Tambe a considera accion riba tereno: na e tent di tiramento di paintball, bishi-

tantenan por test nan habilidadnan di tiramento den un ambiente dificil y dibertido.

Bishitantenan tambe por disfruta di snacknan dushi na e food courtnan y wak e varios tent di mercado pa cumpra cosnan dibertido. Un gran highlight ta e Super Lottery, unda por gana premio nan maravioso. E entrada di benta di carchi ta bay pa dos instancia caritativo: Fundacion Snoop Doggy y Favi. Ambos causa ta dedica na e comunidad riba Aruba. CoolFM y FreshFM lo brinda musica en bibo durante henter dia y tambe lo transmiti bibo for di Marinierskazerne.

Keda na altura di e ultimo noticia y actualisacionnan.

Sigui e pagina di Facebook di Open Day na <https://www.facebook.com/Opendagma-rinierskazerne> y download e app 'MSK Open Dag' for di App Store (iOS) of Play Store (Android) pa bo ta sigur cu bo no ta perde ningun noticia.

Pasa, descubri e trabou di Marina Real di Hulanda y su partnernan, y sostene dos iniciativa local maravioso na mesun momento!

Resultado Sorteo 28 april 2026			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
5173	4877	9241	6935
3568	7523	SUPER5	8360
9333	7875	-	3418

MERDIA	ANOCHI														
 Sorteo # 4959 6546 8031 9845  FP  Sorteo # 4959 7915  FP  Sorteo # 3015 6946  Sorteo # 4959 8676 Tauro  Sorteo # 1833 912  X3	 Sorteo # 8834 5466 1745 6440  X2  Sorteo # 7878 3827  FP  Sorteo # 2583 9247  Sorteo # 6637 7088 Geminis  Sorteo # 1567 852  FP	 Sorteo # 0 x Jackpot 0 x Match 4+ 0 x Match 4 0 x Afl. 12,00  Sorteo # 7165 0 x Jackpot 15 x Match 4 295 x Afl. 8,00	<table><tr><td>Joker</td><td>Letter</td></tr><tr><td colspan="2">Proximo Jackpot</td></tr><tr><td colspan="2">210.000,-</td></tr></table> <table><tr><td colspan="2">12-15-24-26-27</td></tr><tr><td colspan="2">Proximo Jackpot</td></tr><tr><td colspan="2">68.000,-</td></tr></table>	Joker	Letter	Proximo Jackpot		210.000,-		12-15-24-26-27		Proximo Jackpot		68.000,-	
Joker	Letter														
Proximo Jackpot															
210.000,-															
12-15-24-26-27															
Proximo Jackpot															
68.000,-															
 Sorteo # 1865 1 x Jackpot 7 x match 4 22 x Afl. 500,00 376 x Afl. 50,00 571 x Afl. 15,00	<table><tr><td colspan="2">02-04-14-21</td></tr><tr><td>Mega Ball</td><td>15</td></tr><tr><td colspan="2">Proximo Jackpot</td></tr><tr><td colspan="2">250.000,-</td></tr></table>  Afl 1.100.000,-			02-04-14-21		Mega Ball	15	Proximo Jackpot		250.000,-					
02-04-14-21															
Mega Ball	15														
Proximo Jackpot															
250.000,-															
 Sorteo #	<table><tr><td colspan="2">Sorteo #</td></tr><tr><td colspan="2"></td></tr></table>			Sorteo #											
Sorteo #															
															



Cas Di Cultura
Vondellaan 2
Tel: 582-1010

F A D A
Campanastraat 5
Tel: 583-2999
Tel: 583-9610

F A V I
Primavera 233
Tel: 582-5051
Tel: 582-5222

F E P O
Engelandstraat 15
Tel: 583-1016
Tel: 583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**
Irenestraat 21 Aruba
Tel: 588-1179

**Fundacion Pa Nos
Muchanan**
Cumana 2
Tel: 583-4247

**Fundacion Tel Pa
Hubentud**
Wilhelminastraat 19
Tel: 588-6138

**Koningin Wilhelmina
Fonds**
Spinozastraat 9
Tel: 582-0412

Mary Joan Foundation
Sabana Blanco 8
Tel: 588-9999

Rode Kruis Aruba
Pedro Gallegostraat 14
Tel: 582-2219
Fax: 588-3376

Famia Planea (SBVO)
Ave. Milio J Croes 17 B
Tel: 588-9591
www.famiaplanea.org
famiaplanea@hotmail.com

Fundacion Guia Mi
George Madurostraat 34
Tel: 582-0088

Y M C A
Calbasstraat 1
Tel: 582-3072

AL-ANON group
Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad | **San Nicolas**
Hospital | **Imsan**
7:00 pm / 10:00 pm | 24 ora

Botica na warda

Oranjestad: Oduber
Tel. 582 1780
San Nicolas: Seroe Preto
Tel. 584 4833

Emergencia

Polis Oranjestad 100
Polis San Nicolas 104
Polis Santa Cruz 105
Polis Noord 107
Tip Line 11141
Brandweer 115
Ambulans 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

Botica

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
Santa Anna 586-8181
Santa Cruz 585-8028
Sero Preto 584-4833
Trupial 583-8560

Utilidad

Setar 117
Web 525-4600
Elmar 523-7147

Funeraria

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

TAXI

**Aruba Transfer Tour &
Taxi C. A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Ecuador tin plan pa mas mega prison pa miembronan di gang

(AFP) - Ecuador tin plan di construi as mega-prison pa combati e aumento den trafico di droga, cual a resulta den aumento di homicidio segun minister di Interior John Reimberg a conta AFP diamars.

E pais ta purbando di lidia cu un ola di violencia di droga pa medio di construi mega prison como parti di Presidente Daniel Noboa su strategia contra gangnan.

E prome facilidd, cual a habri den november, ta inspira pa El Salvador su centro brutal CECOT y tin un capacidad di 800 sospechoso di ta miembro di gang.

Gobierno tin plan di construi un di dos prison pa alrededor di 15.000 persona den mei, cual Reimberg a bisa lo keda completa dentro di 18 luna. “Un tercer prison? Si, probablemente. Y tur loka ta necesario pa e criminalnan aki,” Reimberg a bisa AFP durante un entrevista den e ciudad Guayaquil.

E prison nobo ta “esencial,” el a bisa, agregando cu e lo ta “hopi sigur, mescos cu e facilidad Encuentro awendia,” refiriendo na e prome prison na Santa Elena, unda e pris-



oneronan ta bisti uniform oraño.

Un lucha di poder entre gangnan cu conexon na cartelnan internacional ta golpiando Ecuador, cual a bira e region su pais mas violento cu un tasa di 51 homicidio pa cada 100.000 habitante.

E minister a bisa cu “crimi-

nalnan altamente peligroso” cu “mester keda den isolacion” lo keda transferi na e proximo prison, sacudiendo critica tocante e abusonnan for di organisacionnan di derecho humano.

“Mi mester contesta na e pais cu seguridad,” el a bisa.

Pronostico di tempo

Tempo:

Awe tardi y awe noch: parcialmente nubia y generalmente seco
Den marduga y mañan: parcialmente nubia cu posibilidad di localmente un awasero breve

Temperatura maximo 33 grado Celsius
Temperatura minimo 26 grado Celsius
Indice di calor (heat index) den y rond di oranan di merdia:
34 pa 38 grado Celsius
Uv index: 12

Bahada di solo : 6:54pm
Subida di solo : 6:20am

Biento:

Moderata for di direccion oost-noordoost te oost-zuidoost; forsa 3 te 4 (12 te 30km/ora, 07 te 16 nudo).
Den dia basta fuerte te fuerte den rafaga; forsa 5 te 6 (31 te 50km/ora, 17 te 27 nudo)

Situacion general di tempo:

Extension di e area di presion halto riba Atlantico lo domina e tempo den region, sosteniendo un biento modera te basta fuerte cu lo ta fuerte den rafaga. Humedad persistente lo bay causa temporalmente mas nubia den region. Principalmente den oranan di marduga pa mainta por spera un awasero breve.

Condicionnan maritimo/ estado di lama:

Na partinan protege di costa: keto cu olanan rond di 1 pia.

Na partinan zuid protege: trankil, 1 te 2 pia.

Na partinan zuid no protege: trankil cu olanan alrededor di 2 pia.

Na partinan oost te noordwest di costa: modera cu olanan alrededor di 3 pa 5 pia, localmente e por yega 6 pia.



Aurora

Royal Pray

Funeral Home & Crematory

Señor ta mi wardador, mi n' tin falta di nada
Den cunucu di yerba berde e ta ponemi sosega
E ta hibami na awa trankil, pa mi bolbe haya forza
(for di Salmo 23)

Cu dolor na nos curason, pero conforme cu boluntad di Dios, nos ta anuncia fayecimento di nos ser stima:



Marina Solognier

Cariñosamente yama "Tia Marina"
Vda. di Edgar Odor
*12-05-1940 - †24-04-2026
Na number di su:

Rumannan:

† Chichi y † Gabriel Thijssen-Solognier
† Nady Solognier
† Benito y Erna Solognier-Roos
Luisa y † Benny Brattinga-Solognier
Fabia y † Rafael Romero-Solognier
† Elsa y † Mechi Croes-Solognier
† Lucia Solognier
† Rufo y Rosemary Solognier-Croes
† Armindo y Rina Solognier-Croeze
† Arminda y Alwin Nectar-Solognier
† Muller y Yolanda Solognier-Rojas
Filomena Solognier y Cobito Hernandez

Subrino-y subrinanan y nan famia:

Gerald - Pierre - Marila - Rina - Ria - Vera - Lisette
- Benny - Zeraida - † Rolando -
Gregory - Judessa - Dino - Rosangela - Ramsey
- Judizka - Joanne - Armin - Indira - Nizana -
Charlene - Brigitte - Zuleika - Milena - Marianela -
Dayanara - Dennise

Swa y cuñanan y nan famia:

† Nelson y † Cornelia Odor
Albert y Thea Odor
Maria Teresa y Crismo Vrolijk
Leoni Odor
Rubi Odor
Beltran y Cathy Odor
Richard y Marina Odor
Maritza Odor

Bisiñanan di:

Residencia Santa Filomena
House of Grace Nursing Home

Ta invita primo- y primanan, demas famia, amigonan, bisiña, conocirnan y ex-coleganan di Spritzer & Fuhrman y Kenro pa compañía e famia durante e despedida di e difunto.

Condolencia:

Famia ta invita pa acto di condolencia y despedida cual lo tuma lugar na Aurora Funeral Home: diaranson 29 di April 2026 di 9or pa 11or di mainta.

Cremacion lo tuma lugar den seno familiar


Aurora

Royal Pray

Funeral Home & Crematory

"Dios ta amor... y amor ta Dios, maske mi no ta na e mundo aki, tur dia lo mi ta banda di boso
Curazon, mi por stens di loke Señor ta hasi"
Salmo 33

Cu dolor na nos curason, nos ta participa fayecimento di nos ser stima:



Mario Boekhoudt

Mihor conoci como "Mai"
*27-05-1951 - †24-04-2026

Tratami ora mi ta na bida.
Ora mi muri, mi no mester di bo mas.
"Mario Boekhoudt"

Na number di su:

Casa: Anita Boekhoudt-Arendsz

Yuinan:

Giovanni y Sharisma Boekhoudt-Maduro
Giandre y Karem Boekhoudt-Rasmijn
Louimar Boekhoudt y Emely
Lyndelle Boekhoudt y Lishenco Scholtz
Lynette Boekhoudt

Stima manera un yui:

Gabriella Alexander
Kimberly Lake-Rasmijn
Pedro Partidas
Jamil Werleman

Nietonan: Giovannella, Ashton, Adam, Alyssa,
Liandro, Jahmir, Jay-Ann

Bisanieto: Nayron

Ex-cas: Rita Geerman

Rumannan y nan famia

Swa y cunanan y famia: Louis, Rina, Tina,
Jaime, Vivian y Magriet

Sobrino y sobrinanan y famia, amigonan di cas, bisiñanan.

Su nursenan: Lola, Deborah, Denainah,
Sandra, Soso, Fita y Laura.

Acto di despedida ta Diahuebs, 30 di April 2026, di 9or pa 11or di mainta na Pray Funeral Home na San Nicolas. Cremacion lo tuma lugar den seno familiar.

Envez di flor of krans un donacion pa Koningin Wilhelmina Kanker Fonds lo ta altamente aprecia.

Lo tin un box pa yuda KWKF cu a yuda enormemente cu Mario.

Aurora

Royal Pray

Funeral Home & Crematory

Drenta su portanan cu gradicimento, drenta su tempel cu cantica di alabansa, glorific'e, bendiciona su Number.
Salmo 100:4

Cu inmenso tristeza na nos curason, nos ta participa fayecimento di nos mama,suegra,ruman,tanta,wela,bisawela stima:



Sra. Vda Rosenda Wernet Croes

Cariñosamente yama "Chenda of Dudu"
*13-01-1952 - †22-04-2026
Na edad di 74 año

Na number di:

Su Mama y Tata: † Maria Croes Werleman y † Juan Croes
Esposo: † Gregorio "Otilio" Wernet

Yiunan :

Gregory y Marcela Wernet-Maduro
Edson y Joacani Wernet-Grant
Michel Wernet y Marella Koolman

Compañero di bida:

Rosario "Rochi" Rasmijn y yiu Chantal y famia

Su rumannan:

† Dominica Croes
Bernardo "Benny" y Margoth Croes Araque y famia
† Annie Paesch Croes y famia
Selma y † Francisco "Pancho" Croes Croes y yui
Salome y Andres Lacle Croes y famia
† Miguel Arcangel Croes
Casimiro "Ilo" y Deta Croes Werleman y famia
Vicente "Chento" Croes
Angelberto "Echi" y Margarita Croes Becker y famia
Filomena "Mena" y Luis Martis Croes y yui
Margarita y †Franklin Kelly Croes y yuinan
Miriam Croes y Ronnie Kelly

Nietonan:

Richaline Wolff y Raidan Boekhouder
Rose-Anne Wernet
Jordan Wernet y Juveally Heward (na hulanda)
Jordanny Wernet y Alizah Moreno Castro
Tyron Wernet
Edmund Maduro
Megan Maduro
Mishali Wernet
Monique Wernet
Mirella Wernet

Bisanietonan: Jelianne Carlo, Ray-Jordan Boekhouder, Raix-Selina Boekhouder, Wilvion Fuentes, Xilvion Fuentes, Xiarah-Rose Fuentes, Avali Wernet (na hulanda)

Swa y Cuña: Oscar Wernet y famia, Miriam Tromp y famia
Mama di su nietanan: Edith Croes. Etosha Todd
Tur su sobrino(a)nan, sobre sobrino(a)nan, ihanan, primo(a)nan, comer y comper nan, bisinja nan y amigo(a)nan.

Amistadnan di cas: Ellen, † Ingrid, Grace, Angelic, Mercedes "Cheddy", Ellen y famia, Mirto y famia, Luis y famia, Edwin y famia

Demas famia: Croes, Wernet, Maduro, Grant, Koolman, Rasmijn, Todd, Wolff, Boekhouder, Araque, Lacle, Paesch, Becker, Kelly, Werleman, Henriquez, Fuentes, Ras, Ruiz, Tromp, Heward, Moreno- Castro, Dirks, Martis, Ridderstap, Carlo, Teamnan di Domino Aruba, ex coleganan di CBS Aruba, MIGRED Consultant, Amigo y Amiganan di Casino

Oportunidad pa condolencia: Aurora Funeral Home, diaranson 29 di april 2026 di 7or pa 9or di anochi.

Ta invita tur famia, bisiña y conocirnan pa asisti na e **acto di entierro** cual lo tuma lugar diaheubs 30 di april 2026 di 2or pa 4or di atardi na Parokia Inmaculada Concepcion na Santa Cruz, despues lo sali pa Santana catolico Santa Maria na Santa Cruz.

Enbes di flor of krans lo tin un box disponibel pa donacion na Koningin Wilhelmina Kankefonds.

Nos ta pidi nos disculpa, si den nos momento di tristeza nos por a lubida di menciona un of otro famia.

Aurora

Royal Pray

Funeral Home & Crematory

"Señor ta husto y E ta gusta
un conducta cu ta husto.
Hende sincero lo mira su
cara"
Ps 11:7



Eusebio Ras
Cariñosamente yama "Chew"
*14-08-1945 - †26-04-2026

Acto di entierro lo wordo anuncia despues

Aurora

Royal Pray

Funeral Home & Crematory

"Protegemi Señor, Bo ta mi
refugio"
"Señor ta mi herencia, copa,
E tin mi destino den su ma.
Continuamente mi tin
dilanti, si E ta serca mi, mi
no por cay."
Salmo 16



Rosa Gerarda Kelly-Farro
Cariñosamente yama "Roosje"
*23-04-1946 - †26-04-2026

Cu inmenso tristesa den nos curason pero
conforme cu Dios su boluntad, nos ta participa
fayecimento di nos mama, ruman, tanta, wela,
bisawela stima:

Acto di despedida lo wordo anuncia despues

Aurora

Royal Pray

Funeral Home & Crematory

"Mi no a muri.
Ta p'esey mi no a bisa ayo.
Mi a djis habri mi halanan
y bula bay Keiro.
Boso a keda atras.
No laga tristesa domina boso.
Keda uni un cu otro pa mi
alma, esey lo ta un alegria.
Recorda mi cu hopi amor"



Ghislaine Beatrix Croes
Cariñosamente "Ghisje y Ghis"
*16-03-1982 - †24-04-2026

Cu dolor na nos curason, nos ta participa
fayecimento di nos ser stima:

Acto di entierro lo wordo anuncia despues

Trump lo pone su potret den paspoortnan Mericano



(AFP)—Potret di Donald Trump lo pronto
aparece den algun paspoort Mericano, ofi-
cialnan a bisa diamars, kibrando otro norma
mientras e presidente ta pone su marca per-
sonal fuertemente riba institucionnan di go-
bierno.

Departamento di Estado, siguiendo reportahenan
di Fox News y The Bulwark, a confirma cu lo of-
rece un paspoort di edicion limita pa marca e ani-
versario di 250 aña di Declaracion di Independen-
cia di Merca e aña aki.

E articulonan a inclui dos imagen cu lo aparece
den di e paspoortnan, uno di un potret oficial di
Trump poni riba Declaracion di Independencia,
cu su firma — den color oro — abao di dje.

E di dos ta muestra un pintura historico di Funda-
dornan di Merca.

"Mientras Merca ta celebra su 250 aniversario na
juli, Departamento di Estado ta preparando pa
lansa un cantidad limita di paspoort Mericano cu
diseño special pa conmemora e ocasion historico
aki," vocero di Departamento di Estado Tommy
Pigott a bisa riba X, refiriendo na e articulo di Fox
News.

Un otro oficial di Departamento di Estado, cu a
papia bao condicion di anonimidad, a bisa cu e
paspoortnan cu tema di Trump lo ta disponible
solamente na Washington "mientras tin disponibi-
lidad" y sin costo adicional.

No tabata inmediatamente cla si solicitantenan di
paspoort por rechasa e edicion special.

Tin poco precedente moderno na mundo, menos
ainda den un democracia, di lidernan actual cu
potret den paspoort, paso mayoria pais ta prefera
muestra imagennan historico of di naturaleza.

Paspoort actual di Merca ta muestra varios escena di
historia di e pais manera e aterisahe riba luna hunto
cu sitionan historico manera Estatua di Libertad.
Desde cu el a bolbe na poder aña pasa, Trump a
pone su nomber y imagen riba institucionnan di
gobierno den un forma sin precedente.

Varios edificio di gobierno den e capital a pone ban-
ner di e presidente, mientras oficialnan a agrega su
nomber na e centro di arte Kennedy Center y e US
Institute of Peace cu a ser desmantela.

Luna pasa Departamento di Tesoro tambe a bisa cu
firma di Trump lo pronto cuminsa aparece riba e
dollar Mericano.

Atakenan Israeli ta mata comandante di Hamas y otro na Gaza, segun fuente Palestino



(AFP)—Atakenan di Israel riba Franha di
Gaza a mata cinco persona diamars, incluy-
endo un comandante di Hamas y un mucha di
nuebe aña, segun fuente Palestino.

A pesar di un paro den combate na october, e teri-
torio Palestino ta keda bao di violencia diario mien-
tras atakenan di Israel ta continua, cu tanto e ehe-
rito como Hamas ta acusa otro di viola e tregua.

Agencia di defensa civil di Gaza a bisa cu cuatro
persona a muri y seis otro a resulta herida ora un
drone a tira dos misil riba un auto den bario Al-
Rimal den parti west di Gaza Stad.

Un fuente di seguridad di Gaza a identifica dos di
e victimanan como comandante di Hamas Iyad al-
Shanbari y su yiu Salah. E no a menciona e otro
dos persona, y no tabatin reaccion inmediato for di
Hamas. E eherito Israeli a confirma brevemente
cu nan "si a ataca un terrorista ey", bisando cu nan
lo duna mas detaye despues.

Den un incidente separa, agencia di defensa civil a
bisa cu Adel al-Najjar, di nueve aña, a muri "ora un
atake di drone Israeli a tuma luga hunto cu bom-
bardeo di artilleria den parti oost di Khan Yunis".

E eherito a bisa cu "un sospechoso den area di
Yellow Line a acerca tropanan, representando un
menasa inmediato" y a drenta un edificio, cual
despues a ser ataca pa forza aereo.

Pero despues di un revision, un vocero a bisa cu
a keda cla cu "un persona no involucra a drenta e
edificio y probablemente a resulta herida como re-
sultado". Dialuna, mediconan di Gaza a bisa cu nan
a ricibi curpa di Ayham al-Omari, di 15 aña, cu a
ser tira morto den ciudad norte di Beit Lahiya.

E eherito Israeli a bisa cu soldadnan den norte di
Gaza a los tiro despues cu nan a identifica "un so-
spechoso... representando un menasa inmediato".

E tregua a para en gran parti e guera na Gaza cu a
cuminsa despues di atake di Hamas dia 7 di october
2023 riba Israel.

Pero violencia a continua, y por lo menos 818 Pal-
estino a muri desde comienso di e tregua, segun
ministerio di Salud di Gaza, cual ta bao di auto-
ridad di Hamas y di cual su cifranan ta considera
confiable pa Nacionnan Uni.

Durante e mesun periodo, e eherito Israeli a bisa
cu cinco soldad a muri na Gaza.

Aurora

Royal Pray

Funeral Home & Crematory

Lagrima y flornan por
seca, su recuerdonan y tur
loke el a haci y significa
pa nos, lo keda graba pa
semper den nos mente y
curason.
"Cerca Dios mi alma ta
na paz, ta di DJ'E mi
salbacion ta bin"
Salmo 62:1



Cu dolor na nos curason,
nos ta participa fayecimento di nos ser stima:

Mavalda Theresita Croes
*07-10-1938 - †25-04-2026

Acto di despedida lo wordo anuncia despues

Ex director di FBI y enemigo di Trump, James Comey, acusa atrobe

(AFP)—Ex-director di FBI James Comey a ser acusa atrobe, medionan di comunicacion na Merca a reporta diamars, cinco luna despues cu un caso anterior contra e critico franco di presidente Donald Trump a ser descarta. The New York Times a bisa cu e acusacion ta origina for di un publicacion riba red social di Comey, pero no a especifica e cargo exacto.

Comey a haci un publicacion, awor elimina, riba Instagram aña pasa cu a mostra e numbernan “86 47” aregla cu cocolishi.

Trump a alega den un entrevista cu Fox News e tempo ey cu “86” ta codigo pa matamento y cu “47” tabata un referencia na e hecho cu e ta e presidente number 47 di Merca.

“E tabata sa exactamente kico esaki tabata nifica,” Trump a bisa. “Esaki tabata nifica asesinato, y e ta bisando esaki cla y fuertemente.”



Comey a bisa riba Instagram cu el a publica “un potret di algun cocolishi cu mi a mira awe durante un paseo riba beach, cual mi a asumi tabata un mensahe politico.”

“Mi no a realisa cu algun hende ta asocia e numbernan aki cu violencia. Esaki nunca a pasa den mi mente, pero mi ta contra violencia di cualkier tipo, p’esey mi a kita e publi-

cacion,” el a bisa.

Comey, di 65 aña, a ser acusa na september pa haci declaracionnan falso na Congreso y obstrui un procedimiento congressional den loke hopi hende a mira como represalia di presidente Republicano contra un oponente politico. Un hues federal a descarta e caso na november, argumentando cu e fiscal di Mer-

ca nombra pa Trump cu a presenta e cargo a ser nombra ilegalmente.

E acusacion contra Comey a bin despues cu fiscal interino di Merca pa Distrito Oriental di Virginia, Erik Siebert, a renuncia despues di reportahenan cu el a bisa lidernan di Departamento di Husticia cu no tin suficiente evidencia pa acusa Comey.

Comey a ser nombra como hefe di FBI pa ex-presidente Barack Obama na 2013 y a ser despedi pa Trump na 2017 memey di un investigacion si algun miembro di campaña presidencial di Trump tabata colabora cu Moscu pa influencia eleccion di 2016.

E acusacion di september contra Comey a bin apenas algun dia despues cu Trump a pidi ex-fiscal general Pam Bondi pa tuma accion contra e ex-director di FBI y otro personanan cu e ta mira como enemigo — un desviacion notable di e principio cu Departamento di Husticia mester ta liber di presion di Cas Blanco.

Desde cu el a asumi cargo, Trump a tuma varios medida punitivo contra esnan cu e ta percibi como enemigo, eliminando funcionarionan di gobierno cu el a considera desleal, apuntando bufete di abogado cu a participa den casonan anterior contra dje y kitando financiamiento federal for di universidadnan.

Prome tanker carga cu gas natural likido a sali for di Golfo

(AFP)—Un barco carga completamente cu gas natural likido (LNG) a pasa door di Estrecho di Hormuz pa prome biaha desde cu guera den Medio Oriente practicamente a cera e ruta na comienso di maart, compania di rastreo maritimo Kpler a bisa dialuna.

E barco LNG Mubarak, opera pa compania nacional di petroleo di Emiratonan Arabe Uni Adnoc, a sali for di Golfo algun momento den april cu 132.890 meter cubico di LNG abordo, despues di carga na Das Island den Emiratonan Arabe Uni dia 2 di maart, segun datonan di Kpler analisa pa AFP.

Forsanan Irani a practicamente cera e estrecho

despues cu Merca y Israel a lansa atakenan riba republica Islamico dia 28 di februari, provocando Teheran pa responde den henter region.


Despues cu negociacionnan di paz cu Iran a fracasa, Merca dia 13 di april a lansa un contra-bloqueo, nengando barconan cu ta bin for di waf Irani y embarca otronan den Asia, incluyendo dos tanker di petroleo.

E Mubarak a paga su transponder AIS pa un luna fin di maart, prome cu a cuminsa transmiti atrobe pafor di costa di India dialuna.

“Por ta cu e barco a logra pasa den e estrecho durante fin di siman di 18-19 di april, ora varios barco a purba pasa den e estrecho (incluyendo siete tanker di LNG), pero esaki ainda no ta confirma,” analista di Kpler Charles Costerousse a bisa den un nota.

E Sohar LNG tabata e unico barco LNG cu anteriormente a pasa den e estrecho desde 1 di maart, pero e tabata bashi of cu carga minimo.

Mercado di LNG, unda Qatar ta un di e actornan principal, ta entre esun mas afecta pa restriccions di trafico den Estrecho di Hormuz.



Plataforma di rastreo MarineTraffic meantime a reporta cu un supertanker di 333 meter, e Idemitsu Maru, a pasa diamars carga cu petroleo, pasando cerca di un punto di control Irani den parti norte di e estrecho. Media marítimo a identifica esaki como un barco liga cu Hapon.

Alrededor di 20 porciento di comercio global di LNG normalmente ta pasa door di e estrecho den tempo di paz.

Trackernan y medionan di

comunicacion a reporta ultimamente cu varios tanker di petroleo Irani ta keda para cerca di e estrecho, posiblemente indicando cu e bloqueo di Merca ta preveni nan di exporta petroleo.

Trackernan di barco a identifica e Nasha, un supertanker Irani bieu cu recientemente a bolbe den servicio, para den e Golfo.

Agencia di noticia Bloomberg a bisa cu e Nasha tabata carga cu dos miyon bari di

petroleo.

Nan tambe a reporta un grupo di otro tanker pafor di waf Irani di Chabahar, west di e estrecho cerca di linea di bloqueo di Merca.

Sitio specialisa TankerTrackers a bisa cu 20 tanker Irani sin carga tabata disponible pa carga, pero Bloomberg a bisa cu e cantidad total no ta cla.

Plataformanan regular di rastreo a indica cu transpondernan di e barconan tabata paga.



Grupo nobo di pirata tras di ultimo secuestro na Somalia, segun oficialnan

(AFP)—Un atake di pirata pafor di Somalia ta obra di un grupo nobo di “criminalnan oportunista”, oficialnan di seguridad a bisa diamars, complicando un menasa cu ta costando industria maritimo biyones di dollar.

Pirateria tabata fuera di control pafor di costa di Somalia den añanan 2000, y a alcanza su peak na 2011 cu centenares di atake, pero baha significativamente door di despliegue naval internacional y tacticanan nobo di companianan maritimo.

Sinembargo, den e ultimo siman a mira tanker di petroleo HONOUR 25 y barco di cement SWARD ser secuestra den e prome incidente grandi den algun luna.

Secuestro di SWARD tabata obra di un grupo cu ta opera for di ciudad portuario Garacad den estado di Puntland noor-

doost di Somalia, un oficial di seguridad di Puntland a bisa AFP.

Esaki ta mas pazuid cu e area tipico di pirateria cu ta concentra riba tres ciudad costero — Hafun, Bander Beyla y Eyl — unda tanker di petroleo HONOUR 25 a ser hiba.

E grupo nobo ta forma mayormente di “hobennan rural” for di un area “yen di arma”, motiva pa pobreza y rabia pa pesca ilegal door di barconan for di China, Yemen, Iran y otro paisnan mas leu.

“Casi tur hende den e region aki ta pover y casi tur hende ta arma. Pesca ilegal, specialmente di e trawlerman, ta haci e situacion pio,” e oficial a bisa AFP.

“Si no controla nan, nan lo evolucionan den entidadnan manera esnan cu ta luchando contra gobierno,” el a bisa, refiriendo na

gruponan islamista manera Al-Shabaab y Estado Islamico cu a lucha contra gobierno federal di Somalia pa años.

Dinamica di clan

Manera semper na Somalia, e situacion ta complica pa dinamica di clan, cual ta central den politica y sociedad di e pais.

Un segundo oficial di seguridad di Puntland a bisa AFP cu e grupo cu a secuestra SWARD tabata tur for di e mesun clan y sub-clan.

Esaki ta complica medidanan di gobierno, paso e por ser mira como un atake contra e clan henter.

“E hombernan riba e barco ta bin for di sub-clannan particular, cual ta diferente di sub-clan di presidente (di Puntland).”

“Pues si nos ataca y algun di



nan keda herida, esaki por causa asesinato di venganza entre localnan,” e oficial a bisa.

“P’esey negociacion ta mihor pa calma e tipo di situacion aki, pero esaki tambe ta yuda e piratanan,” el a agrega.

Gobierno di Puntland ainda no a publica un declaracion riba e secuestro.

Pa localnan, regreso di pirateria por causa problema a largo plazo, analista Jethro Norman di Danish Institute for International Studies a bisa. “Algun famia por mira beneficio di placa a corto plazo.

“Pero efectonan mas grandi ta prijs mas halto pa cuminda importa y specialmente combustible, reduccion di pesca legitimo y posiblemente mas patruxa naval externo cu ta complica bida maritimo normal,” el a bisa AFP.

El a bisa cu comunidad internacional mester haci mas pa preveni trawlerman stranhero opera ilegalmente den e region, empeorando e situacion di localnan.

AFP PHOTO / Ministerio di Defensa Spaño

Dos tercera parti di S.Sudan ta enfrentando hamber agudo

(AFP)—Casi dos tercera parti di e poblacion di Sudan di Sur — alrededor di 7,9 miyon hende — ta enfrentando hamber agudo, autoridadnan a bisa diamars, memey di un regreso di combate entre forsanen di gobierno y oposicion.

E violencia ta particularmente intenso den estado di Jonglei unda tropanan di gobierno bao di presidente Salva Kiir ta combati milicianan alia cu su rival Riek Machar desde december.

Shen miles hende a keda desplasa den un pais cu caba tabata entre esun mas pover y esun mas corrupto na mundo.

“Un calculacion di 7,9 miyon hende lo enfrenta nivel halto di inseguridad alimentario agudo... Recursonan adicional ta urgentemente necesario,” minister interino di Agricultura Lily Albino Akol a bisa na un conferencia di prensa pa presenta e ultimo rapport di seguridad alimentario compila pa gobierno, Nacionnan Uni y NGO nan.

Cuatro condado den estado di Jonglei y Upper Nile tabata na riesgo di hambruna, UN a bisa, cu 2,2 miyon mucha bao di cinco aña proyecta pa ta severamente desnutri.

E crisis ta empeorando a pesar di biyones dollar den entrada di petroleo y ayudo for di exterior, coordinador senior di asistencia di embajada di Merca Charles Vetter a bisa.

“Gobierno di transicion ta sigui cu conflicto den henter e pais cu ta causa desplazamento di hende y ta sigui nenga pa inverti recursonan nacional den entrega di servicionan publico,” Vetter a bisa.

“E obstruccion continuo, interferencia, ladronicia y negacion di acceso ta limita efectividad di cualkier persona cu ta purba yuda,” el a agrega.

E resultadonan tabata “un advertencia y un mapa di ruta,” coordinador interino Humanitario y Residente di UN Noala Skinner a bisa.

“Nos mester salba bida awor,” el a bisa, haciendo yamado na gobierno pa inverti urgentemente den agricultura, medio di bida y resiliencia.

Sudan di Sur a haya independencia na 2011 pero pronto a cay den guerra civil y ainda ta luchando cu pobreza extremo y inseguridad.

May 1, 2026

Labor Day Special

Lunch & Dinner menu
From 11AM to 9PM

25% Local discount

The Birdie
CLUB HOUSE RESTAURANT

For reservations please call 586-7800 ext. 231 or 242
tdsba1@iberostar.com | opentable.com/thebirdie

tierradelsol.com